

翠微南征錄舊藏兩本一本題注多數十條
此本所無今輒補錄此本多目錄便成完帙
矣並存之己丑十月佩初記於燈下



翠微南征錄目錄

卷之一

書

開禧元年四月二十七日上
皇帝書

卷之二

古風

歸釣吟

記夢

梅次楚東道中

國家圖書館 NATIONAL CENTRAL LIBRARY, TAIWAN, R.O.C.



山水吟

浴十月浴暇日得醉詩十生春園暄操

嘲熱

釣鰲行

上趙漕

鄰女搔綿吟

送商府判

平政橋

贈陳道

柴氏

傷春

百舌為福鳥號

飲仙閣

贈祝跛

富沙道中述懷

驟雨壁次間紫韻嘆

卷之三

古詩

別王泰之

江上隻舟催發

慰吳吉甫縣尉

贈劉相士

誚胡同巡

送詹仲通縣尉

上詹仲通縣尉

寄大庾郭縣尉

嚴陵方市

月岩

熱中呈楚南僧

送春

僧畫

賀趙法曹

野菜吟

酒歌謝同舍葉南陵名英

寄敬甫葉兄

記夢夜夢因記室諸紙折

琴翠微得雷霹字材於斷底

苦蚊夏十字於壁

卷之四

詩



次李信州七十韵

丹青閣

律詩

上韓平原

清富樓

出郭

失題

送周魁

二月二日即事

登樓晚望

訓獎婢

別藍詳道

傷春

別子陳子

河鮑

自嘆

春日書懷

過文脊山

熱三衢道中訪周

有感仲次陳平

問中麈趙丞韻

秋宵有感

過羊腸嶺

宿橫溪橋

送倪尚書赴召

宿嚴瀨

題澤民廟

早春即事

早行述懷

題易村

述事

述懷次何德

寄劉浩然

知遇今閱韓信傳因傷

和我時有正議

卷之五

律詩

自寬次游少翁韻

黃氏三層樓

幽居次陳吉父韻

賀趙丞登第

梅次掾軒
者字韻

捉月仙

呈寧次翁

悶成

別館即事

武興解舟

不過

紀事翠微在
即紀在建詩

冬日述懷

暮春述懷

幽居次陳元韻
兄狀元

謝二劉

暮春述懷

呈諸同舍

寄陳士元

貧居

呈魯功甫

勉馮著明

藕花

自勉

初夏即事

呈鍾子巖

寄揚渭夫

幽居

呈王君庸

寄西山

呈李朝舉

小春言懷

春愁

呈徐商卿

春遊有感

憂呈項甫

述懷

套筒

春郊即事

雪次吳子同酒

卷之六

律詩

題富沙廟



國家圖書館, NATIONAL CENTRAL LIBRARY, TAIWAN, R.O.C.

次翁正叔溪山勝游之韻
春郊即事

閱題

呈陳平仲

紙帳

兵

自訟

紀時

重九

禱梅山

寄西山

再禱梅山

怒題

寄范茂鄉

題溪莊

竒見

思故人

呈古洲老人

訓小童

郊飲

西爽

斗齋

呈楚南僧

山居

吳伯叙

讀史

建安暮秋

三衢道中

秋望有懷

送李子方

寄兩岸同舍

呈公漕宰

九日

戲呈趙可父

挽吳夫人

岩桂落英

牢城述懷

重午

卷之七

律詩

有觸述懷

岩挂

偶成

寄王士貴

發書與幼弟及坦齋

寄王清之

感應王祠

寄張舍人

禱富沙

謝劉判院

寄茗溪故人

不禱

悉事

送提舉陳工部

呈陳信之

寄江子崗

書太乙編年卷尾

怒成

楮衾

勉趙法曹

獄中責廷尉

挽成虛中

寄盧進士

九日言懷

呈番易趙及甫

九日溪樓遠望

訴董寺丞

寄小王徐子晉

獄中作

池亭即事

南釗水閣

丹青閣

夜步水西

折桂園友人宴

酒樓秋望

臨清閣

思故人

卷之八

律詩

有激呈江聖與判院

與楞伽老瑛上人

呈王子蒙隱者

夜讀離騷

倪尚書生祠

秋晚述懷呈薛子長

雙桂堂

憶弟妹

貴逋

送趙古秋

牢城言懷

贈楞伽老瑛上人

謝佾判院惠米

除夜大雪

呈毛南仲

除夜二首

呈富大卿

雪中呈劉子冲

雪中有戲

憂世寄清溪友人

嘲曹掾友人

囚中記實

送倪尚書歸雲川

五言律詩

宣城道中

當塗道中

壽昌道中

別王恭之

遊溪西寺

登樓晚望

拜茶

安分呈李竹齋

即食責庵者

秋意

書堂遇雨

卷之九

律詩

姚齋

容膝

野飲呈祝山甫

題練省元壁

南浦客邸

借景樓

宿水陸寺

呈魯伯瞻

浦城買舟

歸興呈吳楚祥

秋晚即事

呈李景山

小圃

村居

宣城道中

過新豐市懷古

買舟浦城

懋妙因寺

再繼前韻

七言絕句

讀漢史

寄王五四將仕

約叔叔真

題窓間

過西溪

題蓮華壁間

贈呂元玘

初抵富沙

呈周及之貞元

寧川冷渡

宿灌頭

南浦水閣

秋晚獨步

後溪二首

楊花

杜鵑

悶迷二首

酒禁

次唐仲山韻
許交之嘲
軍

贈美人別

寄宗上人

寄趙及父

有感

桃花

弦月

卷之十

七言絕句

白面渡

田家十絕

春夫

新市雜詠十首

花村二首

過番陽湖

嘲熱

三友亭

青樓贈別

枕上吟建卯
聞角曉

午枕

香篆

矮齋雜詠十首

嘲賀將仕

冬晴

夢謫仙

懷九江友人

卷之十一

七言絕句

漁父

寄趙德夫

春閨雜詠十首

夜有所聞

秋朝有感

聞有薦翠微者成二絕

流螢二首

早春十絕

寄作判院八首

得金正將書

莫出

自喻呈趙明夫

惜秋二首

上運管張平國

舟還建上舊居

群鷗

翠微南征錄目錄

翠微南征錄卷之一

書

開禧元年四月二十七日上

皇帝書

四月吉日 國學發解進士臣華岳謹熏沐百拜裁
書獻于

皇帝陛下臣聞職諫諍而不言有罪非諫諍而輒言
有誅臣以一介草茅誤叨

教養非敢僭以求狂妄之誅誠以天下之大變將形
國家之大禍將至有職守者不敢言 無職守者不



敢僭臣于此時不能剖露肺肝控告 君父則不忠之
罪不惟不逃而臣之身首將異其處雖有粟烏得而
食諸臣自旬月以來都城士民徬徨相顧若將喪其
室家諸軍老小隱哭含悲若將驅之水火闐闐藉
欲語復噤駭于傳聞莫曉所謂臣徐考其所自則侍
衛之兵日夜潛發樞機之通星火交馳戎作之役倍
于平時郵傳之程兼于疇昔乃知

陛下將有事于北征而為軍若民皆如是之皇也
臣嘗聞之夷狄之于中國猶盜賊之于四民螟蝗之
于五穀可謂不容並立矣士生斯時正冠履之分雪

祖宗之仇掃山陵歸宗社所當誦也然臣考之天時
按之人事盖有大不然何者古之為夷狄者一今之
為夷狄者五古之為中國者一今之為中國者三何
夷狄中國之皆多于古也夫侂冑以后族之親位居
極品專執權柄公取賄賂蓄養無藉吏僕委以腹心
賣名器私爵賞睥睨神器窺覘宗社日益炎、不敢
嚮迹此夷狄之居吾腹心者也 以庸瑣之資請
烟師且驟入政府 以諛佞之資阿附侂冑致身
顯貴陳自強老不知耻貪不知止私植黨羽陰結門
第凡見諸行事惟知趨承侂冑一人而君父之

不知有以保正者長之材而鈞衡天下焉為四海此
夷狄之居吾股肱者也夷奕汝翼諸李之貪懦無謀
倪僕倖果諸郭之膏梁無用諸吳之恃寵僭專 彭
之庸孱不肖皇甫斌魏友諒毛致通秦世輔之彫瘵
軍心瘡痍士氣以至陳孝慶夏與祖商榮田俊邁之
徒皆以一卒之材各得把麾專制平日剗膏刻血苞
苴侂胄以致通顯飢寒之士咸願食其肉而不可得
萬一

陛下付以大事彼之首領自不可保奚暇為
陛下計哉此夷狄之居吾爪牙者也 之納妾求

知

之售妹入府

之獻妻求閤

之

貢子為郎

之阿諛僕隸

之甘心鷹犬

之肅駕充位

之奴事姦惡

之生

事迎合

之私立異議此夷狄之居吾

耳目者也蘇師旦以穢吏冒節鉞牙僧名爵周筠以
隸卒冒戎鈴市易將相此夷狄之扼吾咽喉者也吾
之腹心吾之股肱吾之爪牙吾之耳目吾之咽喉而
無非夷狄則彼之所謂夷狄者實未足憂而此之夷
狄蓋已周吾一身之間矣詎可捨吾身之夷狄而徒
事于邊鄙之夷狄耶禮樂征伐自天子出而貴乎中

者皆聽命于

陛下也今也予奪之命黜陟之權又不出于
陛下而出于侂冑是吾有二中國也命又不出於侂
冑而出于蘓師旦周筠是吾有三中國也夫虜人以
一夷狄而猶能據吾之中原曾謂其有五夷狄而不
能感吾之元氣乎虜人以區區關河之地猶能逼我
淮漢曾謂夷狄之居吾腹心居吾股肱居吾爪牙居
吾耳目居吾咽喉而不憑陵吾之宗廟社稷乎以一
中國而撫四夷猶曰不可曾謂一家之中自為吳越
一舟之中自為敵國而能外制夷狄乎比年以來軍
皆拮克而士卒自仇其將佐民皆侵漁而百姓自叛
其守令家自為爭人自為戰此又啟吾國中億萬之
夷狄也今
陛下不務去吾腹心股肱爪牙耳目咽喉與夫億萬
之夷狄而欲空國之師竭國之財而與遠夷外戎相
從于亟亟相塗之地顧不外用其心欣臣自邠角以
來推衍三式之書自去歲上元甲子五福太乙初度
吳分四神直符對照荆楚始擊蜚符旁臨甌越青門
直使交次于幽薊黑殺黃道正按于燕趙考之成法
主算最長客筭最短兵以先發為客後應為主自太

歲乙丑至丙寅丁卯戊辰己巳庚午六年之間皆不利于先舉儻其叛盟犯義撓我疆場至于事不獲已然後應之則反主為客猶曰庶幾萬一 國家自首其事自倡其謀將則帥內睽士卒外叛塗炭萬民血必千里其為應驗速若影響此天數之不利于先舉也億萬之夷狄萃乎吾之國五者之夷狄周乎吾之身將帥庸愚軍民怨懟馬政不講騎士不熟豪傑不出英雄不收餽糧不豐形便不固山寨不修堡壘不設吾雖帶甲百萬運糧千里而師出無功不戰自敗矣此人事之不利于先舉也湯武革命應天順人黃

帝征伐天時人事臣顛

陛下誅吾腹心股肱爪牙耳目咽喉之夷狄盡其群黨而勿疑其濫異其身首而勿疑其慘吾國中之夷狄既已誅矣然後公道開明正人登用法令自行紀綱自正豪傑自歸英雄自附侵疆自還中原自復天下自底于和平四海自齊于仁壽何俟乎兵革哉不然則亂臣賊子毀冕裂冠峨九錫隆恩之詩恃貴不可言之相私安內姬陰臣將相魚肉將士塗炭生靈墜百世之迷圖虧十廟之遺業

陛下于此雖欲不與之偕亡則禍迫于身權出于人

悅首待終何臍可嗟事之未然難以取信臣願以身
屬之廷尉持其行軍用師勞還奏凱則馘臣之首風
通四方以為天下欺君罔上之戒儻或干戈相尋敗
亡相繼夷狄外攻姦臣內叛與臣所言盡相符契然
後令臣歸老田里永為不齒之民實出

天地父母生成之賜干冒

天威罪當萬死不備 岳百拜

翠微南征錄卷之一

翠微南征錄卷之二

古風

歸釣吟

我生本是絲綸客，嘗把絲綸釣王國。
膠庠雖識姚有虞，載車未遇周西伯。
抱琴歸去古江邊，江頭風月猶依然。
江風刮岸，如削江月照人，未眠沙平浪靜。
江天濶，換酒捉魚，撥刺有時醉梳和月吞。
有時醉棹和烟撥，或唱歌或吹笛，款乃宮商人不識。
歌声喚徹烟水寒，笛声清透雲霄碧。
不張帆任渠去，到雲山深處住。
雲山深處有畫圖，添箇雲山畫圖侶。
不撥棹任

渠流、入玻璃影裏頭。玻璃影裏，迸珠玉千斛。萬斛
誰能收倦時。眠醉時舞漁家，自有神仙府。睡時蝴蝶
夢莊周。舞處鷗鷺。奏韶武自舉。歸釣吟清江漢。烟
沉、雲藏萬壑。暗水尾風吹孤月。搖天心翠微。父翠
嶽父和我行歌。進南浦。画橋流水。抹晴烟。殘照暮霞
收宿雨。水連天。似水一簑活計。誰能比。楓葉飄霜
鱸膾香。楊花飛雪。河魴美也。不學姜太公。百年將至
方非熊。會須年少。遇真主。恢我諸夏車書。同也不學
嚴子陵。雲臺不為魁。殊勳中興。只作釣臺。侶胸中百
萬知無兵。我網不似漢。經何太疎也。曾漏却吞舟

魚何當。周密如樞机。直欲織。悉皆無遺。我釣不似呂
呂鉤何太直。陰却文王有誰識。爭如猛曲一彎腰。牽
取星珠并月璧。魚膠寒齒。蒿別蟹螯。刺指和籠烹。屠
龍鉞。鼎口不羨。斷鯨斫炙。腸即撐

託夢 秋夜宿言即劇夢為無槐大庭之游竟
來長空明月殊動故鄉之思因成記夢

溪冷、香鼓擊、虛堂泚漉。生寒風寒風。倬我夢魂
去飛颺。直上蓬萊宮。蓬萊宮殿女如玉。霓裳羽扇環
簾攏。月娥留我宴。珠翠玳筵間。列花叢。酒酣萬象
羅心胸。舉盃話別。殊忽、青鸞命駕下空濶。一声瑞
珮鳴。丁東被衣起。坐周四顧。庭戶悄、無人蹤。銀河

萬里倒澄碧冰盪半輪斜倚空橫江孤宿一舌喚喚
起鄉心千萬重

梅 楚東道中
次壁間韻

衰蘭枯荷了秋色幾向寒梢問消息溪橋交馬斷腸
時翠袖佳人日暮歸玉面亭、漢宮樣一見風流慰
心賞寒標孤絕太無情誰為移春上玉京月華淒切
霜華白夜半飄香度簾額寄聲橫笛且休吹愁殺江
南未歸客

山水吟

閩之山峨峨可以接穹蒼閩士孕其秀胸次尤難量
閩之水滔滔可以燭妍醜閩士生其間其美不容口
君不見周家社稷生甫申崧岳當年曾降神又不見
千里秀氣鍾三蘇眉山草木皆焦枯我生恨不由河
洛虛負三光并五岳地靈人傑推江東人物風流兼
磊落顧此閩之東自古多英雄求其為絕稱獨一忠
穆公：今已即世後世誰可擬惟有唐仲通一人而
已耳仲通何如人景星與鳳凰不險亦不深山高兮
水長

浴 十月暇日醉十生春閣暄燥
浴出浴覆衣得詩一筆以記

龍藩地暖冬無雪十月風光似三月好風不動綺羅

塵人在繡幃簾半揭酒腸拍索能回春春潮入面香
熏之香肌汗透披縠紋思得滄海駈埃氛銀鍋蟹眼
生春雪銀瓶檀破錫心月流霞傾入碧琅玕香霧氤
氳雲半撥花藤織出金芙蓉烟青窈紫堆雲奔一聲
璫珮簾鈎垂皂盤捧出雙明珠蠟花照入蘭湯閣珠
璣體道紅祝活鳳詔雲濤濯錦毛龍翻雪浪澆銀甲
起笄裙霧圍春風照中抹出桃花紅香泉入齒漱寒
玉吐作冰雪飛長空蒼頭急把春衫換腕玉輕穿雲
一片出門兩腋生清風身在嫦娥廣寒殿

潮熱

南方有神名祝融髮赭面丹唇朱紅執鞭入海駈赤
龍火車勒駕燒長空千驂萬乘如聯鑿烈焰騰灼灼
天地九霄烜赫皆旣蒸四海煎熬俱鼎沸流金爍石
氣不通天下俱在紅墟中葛衫襟濕疑有兩羅紈柄
折渾無風祝融祝融毋太酷天道炎涼豈反覆者
少皞催戍瓜盡把涼颼散煩溽

釣鰲行

上提刑左史張
舍人名詞古

北風浩蕩滄溟闊千萬軍聲夜潮聒翻空濁浪鼓雷
霆舟子停蘭面如血龍門有客何崢嶸弩目張膽殊
不驚桅樯破浪裂津島直欲一舉空蛟鯨我之釣竿

非世比新月為鈎索霞綺先掛虹蜺為鈎竿却把鷗
鴨作香餌欲垂未垂号鬼神星斗無光天地昏海靈
乞命免生死一鈎連六盞却息我公萬里風烟伯度
量汪、寰海窄蟠曾高聳蓬萊山壯氣直吞雲夢澤
息波萬壑奔洪流風帆浪楫交旣籌金鱗照日巨如
斗四海觸物無虛舟我生本是鈎鰲客几歲灘頭望
風色忽聞霹靂破崑崙便整絲綸駕航舶我今十轄
迎公開會須舉手生風雷不然長嘯謝水府明月滿
船歸去未

上趙漕

名善宣

喬拙弟子見先生也先生尹
京弟子赴南宮文未上也先

生與而進之峯而送之于德既先生矣今道
由無一言之境而不拜先生弟子罪也見先生
潔而露清秀松德也亦先生德也萬木避節
三枝同并松事也亦先生事也松之不畏于
冰霜亦猶先生之不畏波強禦也松之詩所
由作也其罪弟子耶

太山之巔有喬松凜：千丈摩蒼空風雲有會直相
際轟雷掣電蟠蛟龍盤根錯節真天種卿月即星伴
辰拱高風蕭瑟漾清泉桃李無言謾丘壑南宮仙桂
饒天香南國蔽芾歌甘棠大枝擎天作砥柱小枝駕
海成虹梁六月無風天欲雨赤龍脚火燒空宇亭々
橫蓋指扶桑萬壑千崖冷無暑大椿可笑欺莊周便

指千歲為春秋使民若戰夏后社夏后氏用汝當作

商川舟楫檣楫自慚藤蔓纏林壑未遂鴈鶴一枝樂盤

桓已喜跨高寒撫孤松更借扶搖薦鷓鴣我聞處士

方網罟七松三支簡在公寧苗蒼姬已託大夫蔭夫大

鄰女赤子願陪丞相遊子房為赤遊善松木綿日可成

頗類然就手中提出使紡成絲與撚綿特異

同問女歲可成幾端女云每歲可得二十疋

近以繡工妨迫不及

閑窓日上三竿竹照下婚娥整輪輻匆未暇理雲

鬟半朶青鷓倚紅玉青梢摘盡銀香囊画欄平倚班

筠管時將纖手翻雪霜蘇胸玉面同光芒捧歸細捲

銀成索牽出鬆雲一握珠唇呵挺氣温鸚嘴踏

車声終今年莫怪功績稀阿妳勒繡鴛鴦帟如今

織出秋江練十月正好裁新衣客心聞此愁無著一

夜清寒動寥寞明朝為問買一端剪做道袍披落魄

送商府判自到津倅入為審計

比年十月君初來梅花破雪迎君開自從佐到壽民

脉凋山瘵水皆春臺去年七月君開府燕鶯為

君舞五日盡藝潭底龍千里應無市中虎今年二月

君時歸風牽回柳紫君衣君衣不作回柳轉直上雲

瑞朝紫微紫微有館名西掖珠玉羅鈿瞰金碧郎星
卿月謾徘徊箇中自是神仙宅紫微有山名大坡烏
飛身立冠峨：一聲霹靂震天地萬里腥血流江河
紫微有旨垂丹冊二者于斯請君擇便須東取元化
鈞談笑從容正疆場君家事業銘冠裳鸞鳳指日鳴
朝陽伊洛諸公有政事洙泗諸子無文章稟違展轉
情難處溪上恩波湛今古東風吹帳入長亭零落桃
花淚如雨

平政橋水西有橋
為天下第一

建水合流三百里直下富沙如撚指溪東披拽纜過
西千丈春風怒濤起香輪不解碾清江造舟貫索成
河梁年：麥熟梅欲黃連城千里皆波光淳熙太守
憂溱洧問津日夜思無計老農叉手願鳩工疊石中
流便民濟金珠賣價不計緡鵠駁斷梓功方成功成
燕雀賀新屋炳然萬棟輝丹青挿天蟠竦橫江尾下
壑寒潭碧無底市声不到画梁間秋色盡歸朱箔裏
我行一月無風波今朝醉眼翻青羅金鰲背踏客揮
鞞玉虹跨浪舟飛梭石唇噴盡寒崖雪：中電掣金
蛇赤兩岸樓頭將相家八州車馬神仙客人言辟人
推政平故此特以平政名我聞政事平如水：到不

平還作声

贈陳道道人陳守一喜
畫出錦軸求詩

君不見樵人王翰畫山水一夜風雷揭牕紙又不見
長沙洞清畫龙蛇滿軸烟雲翻摺指二子相去數百年
筆端妙意誰能傳双溪道人何所授一見筆法堪齊
肩筆一淡輕烟映出垂楊岸遠山依約有還無斜照
不紅秋水慢筆一濃黑雲萬疊翻狂风江天日暮暗
烟靄天地星斗皆昏朦滿湘詩人不解語被君吐作
無声句何時覓取綃一練寫我英姿伴烟雨

柴氏

節婦一樽酒篆士拜而受篆士一首詩節婦雙眉皺
眉皺意何如有難、相故嘆我廊庙器淹回在汚陋
惠我旨且嘉慙慙推意厚吾今繫閩建家貧喜鄰富
青眼到朱扉白屋成華胄吾聞孤竹子周室三緘口
又聞杞梁妻秦邦称烈婦此輩誠間生世代不常有
如何天一方同時俱輻湊愧無八品珍草、具蓮豆
何當再拜樞我衣危酒恭為兒女壽

傷春

衣袂怯春寒春在江南岸我意正傷春復被春縈絆
一雨臙脂濕萬壑冰漸泮檢我惜春心与春傷爛熳

柳垂不染絲織成愁一片杏吐無烟火燒碎腸千斷
憶昔腰如柳、腰野易按憶昔面如花、面嬌難喚
人不似春芳隨處得看翫日春憶人、不見徒托腕
何時醉臥花柳中一笑千金不容換

百舌 福建秀為鳥秀

流鶯一去無消息燕怯春寒歸未得綠髓清晴靜無
人似把哀情訴知識上苑東風二月春淡黃楊柳初
成陰解將一片無情舌學盡百般能語禽紅英紫萼
秋如雪萬妮千嬌總饒舌莫嫌花外太啁啾默、難
耐好時節頭更綠暗紅亦稀伯勞杜宇鷹鷂飛更兼

獵弋恣羅網卷舌不語全毛衣堪嗟國士徒切直不
似幽禽明語默何如耕口歸山林莫向燕南并越北

飲仙閣

小峯王表之作堂曰傾蓋作閣曰飲

仙廊廡蕭然有物外之趣有所得者以樂其身其泰之之謂乎因作詩以

晉歲月

槽頭豎盡春山綠槽下真珠馮醜醜騷人一笑傾盃
盤滿面春風漲紅玉少陵得此不欲言乃指八子為
中仙主人傾蓋慕此意一閣新構堂西偏于今世態
薄于帝何必勞心尚青紫願君醉我金屈危萬事過

耳同風飛燠：和月上裁竹長嘯一聲歸翠微

贈祝跋相者祝跋
武夷人

我生多蹇難事業冷于水內外兩五行醜惡諱人奉
武夸有破者抱術徧荆楚摠衣忽趨隅覲面便相許
握手無所需再拜拂毫楮一詩聊贈行無以壯箱筥
他時了功名為結烟霞侶

富沙道中述懷次王相
元韻

敗鼓非全材毀瓦不自收造物兒未戲達人火先撲
卜不到渭濱人徒嗟海曲彼哉真彼哉伐尽牛山木

驟雨次紫溪
壁間韻

牛尾烏雲潑濃墨牛頭風雨翻車軸怒濤頃刻卷沙
灘十萬軍声吼鳴瀑牧童家在溪西曲侵早騎牛牧
溪北荒忙冒雨急渡溪雨勢驟晴山又綠

翠微南征錄卷之三

古詩

別王泰之

次王養正韻

黃塵漫、小峯路白石齒、茗坑渡相亭南來第一
程人烟蕭條歲云暮故人小隱三家村約我旗亭聊
一樽相逢此地復相別明朝懷抱同誰論

江上雙舟催發

前帆風飽江天濶後帆半出疎林闕後帆招手呼前
帆畫鼓輕敲總催發前帆雪浪驚飛湍後帆艫尾披
銀山前帆漸緩後帆急相傍俱入蘆花灘島嶼縈回



斷還續沙尾夕陽明屬玉望中醉眼昏欲花誤作閑
愁小橫軸

慰吳吉甫縣尉

吉甫縣尉有橫逆之難兄嫂
女皆死焉所可免者渠夫婦

而已作
詩慰之

子鍼如京師一室膏鼎鬻兄室雖被戕一妻猶可免
伯奢事行役八子俱蹂踐兄家禍雖劇一女特婉孌
女死固可傷殊未敵冠冕妻在固全軀喪女憂莫遣
大厦既仄飛豈儲皆席卷鶴鶴起嘆嗟鴛鳳徒展轉
我昔以難勤荷兄垂勸勉今以難告倍覓淚泆泆
泛觀天之理禍福嘗相反有難既不死他時非淺：

去凡一牛鳴為地良非遠不能具兄慰面目實有醜
自料吾與兄氣量及者鮮胡為蒼者天与子獨羈蹇

贈刘相士

班超未侯漢誰識烏孫客韓信已王齊誰知長樂厄
彼亦非異術忠諛分黑白直道世且違彼亦何足責
自古勲業人把鏡惟自索顧我洒落資足可振翰翮
如何汗馬秋英雄尚南譎祇應捨胎鬼手段不合格
古括子劉子閱人幾千百一見麀鼠質便許正疆場
知子忠且諛愚固未暇擇萬一符子言亦可名簡冊
它時双蹇馱与子訪黄石

誚胡同巡同巡名謹向与岳最善思自潮陽
回見僕坐城旦之地遂不相過以

詩誚之

岳昔游時卿兄嘗過弊廬捫心論事業耐久良非虛
岳今隸城旦氣象誠慘舒髡黥塞冀壤敢辱長者車
嘗聞古人交窮達無親疏富貴不相忘有終还有初
与兄三載別無日不引裾中間喜一見欣慰云向如
相去天一涯雲濤疏雁魚忽聞風駕回喜色喧門閭
相聞即相別厥意良躊躇嘗聞郢中人結客于樵漁
又聞淮南王受德于刑餘岳既不自檢失身墮蓬蔭
壯士視一死其犹尔歎歎勢分已霄壤孤托難相於
頭兄此召还魏然奉中除前巖与西閣談笑着連茹
或遇趙可父為岳声起居薰風有良便當拜平安書

送詹仲通縣尉

秋郊送行色執別臨清流風神掣回柳故、牽衣袞
吟螢附草際催客登蘭舟問客何所之駕言京闕遊
愚聞京闕間多難三春秋閭外灸魚肉闕內羅羊頭
昂却吠堯犬冠还沐楚猴和我重輸費廊庙有隱憂
賑荒少儲蓄郡國無良謀飛蝗蔽日月兆龜拆田疇
君以經濟材抱負衝斗牛家傳匡國秘殊不諧子侄
有用即隆平豈特為東周願君

據緒餘咳唾
開冕旒管

領一世雄

克復歸神州賤子忝知遇
既網將從游相隨上凌烟
也勝登瀛洲作詩告于君
其許之不

上詹仲通縣尉

某竟崔蒙恩犬馬誓報譬諸草木少見肺肝冀叨煇電之私但

副布雷之耻

松竹不着花密葉徒如篙
紅梅不藏葉寒花綴枯朽
独有龙焙茶花葉秀而羈
冰霜着群水凍死十八九
惟此百草灵名可徵三友
春雷逆崔舌夜雨滴龙口
皆前哺吸心誰假栽培手
惟有秦端明識之在蒿藪
移根入北苑金碧煥星斗
夸作龙鳳團封成獻元后
問花何以報牙舌甘鼎曰
他時子復生為公滌繁垢

西風卷荷衣被破不成滿
清霜折蕙囊冽：已成若
如何独東籬黃華笑寒菊
物之有盛衰循環若推轂
世事良亦然六豈物所欲
金鉤鎔落日零露洒寒玉
人皆惜芳菲誰復念幽独
惟有陶淵明慙慙費培沃
簪花從帽落把酒醉商陸
從此擅秋芳美桂非同錄
問花何以報剪首薦醺醺
他時更糝軀為公明采目

寄大庾郭縣尉

前年建安然始識韓荆州
一見辱知遇許我嘗從游
尋幽訪赤壁買笑陪青樓
有酒即命駕夜飲忘旣籌
雪香飄梅花歸駕仍遲留
送君城北隅歲事希一周

告德雖未久有怀奚所投客來自錦溪知為藍田道
樞衣欲趁隅其奈風馬牛方面拜尺紙文此不敏羞
乃復三不緘獲戾予君侯謫客干典刑宜尔食吳鉤
幸不界我死殘喘延佇因搜索編中外釋縛良無由
始思鷓鴣翼庇我反手犹噓灯拂毫楮尺素馳星流
荷公三復还惻然添我憂許我京闕間與我為良謀
于今秋復冬俟命犹置郵西風掠天宇魚雁俱沉浮
未審息波中許我洪濟不我材襪線短願公廣甄收
他日賓幕府鏖戰雷焚舟公兮不我援復駕言焉求

嚴陵方市次方子嚴韻

浮雲掃盡天宇清千花萬花開錦屏好風吹皺一池
綠白鳥点破千山青客行五里復五里兩眼丹青間
紅紫杖屨不知行路難人在江南園画裏

月岩 已巳春道廣信夜宿月岩即中三客酌
後云我輩朝風詠日自有所得勿恠狂安
目思月岩為山甚異午夜月出于岩之中
桂景于月之上月有小大桂有廣狹此山
之所異詩之所由以作也然壁間集上
苗諫篇章無慮千萬求其絕稱蓋亦鮮儼
偶三客出天蟾字韻索筆和之三客頓首
謝罪特亦壁以亩歲月

六丁一鑿空雲烟滿窟勒馬駐神仙冰輪推出外中
月玉斧劈開天外天便把嫦娥騎綵鳳却呼羽客烹

銀蟾更邀王母瑤池酒今夜廣寒同醉眠

熱中呈楚南僧時零禱未應

帝炎執鞭駐赤龍火車萬乘燒長空長空萬里俱蘊
隆流金燦石天地同我來亭日當午欲避驕暘竟
無所願求一洒楊柳枝化作東園萬家雨

送春約友人李景山仍次其韻

留春無計奈春何九十過眼如飛梭三分二分風雨
尔十日九日愁悶呵風前飛絮政無數而後落花全
不多爭如買酒速相就君自起舞吾能歌

僧画王琳珍所收十軸乃政和僧人所画琳琳欲增其價求一轉語于軸角

萬景奔前老禪叔搜羅風月歸岩谷胸中有白吐無
声寫作生絹三四幅

賀趙法曹趙可久入郡幕後黃漕舍

紅日轉簷花飛鳴一声鵲翅未離簷有客拽鈴索
呼童急啟戶問客意何若客聞笑而言法曹參計鑰
目知鵲之鳴報我良不惡知我門下人一捷聊相託
如公材器大末掾豈能縛咫尺蓬萊宮左右芙蓉幕
直入鳳凰池更上麒麟閣賤子無所需願作揚州雀

野菜吟

芙蓉峯下楊雄宅路入城闈里三百有山無粟養鷄

豚有水無人捕魚鱉山翁菜色流清涎齒頰連月無
腥羶客來問我何所有手指萬壑烟霞邊青芹不似
蘆蒿美石芥防風空別齒蕨腦後抽稚子拳蘆牙已
逆佳人指兒童不待明朝陽花襟路濕爭荒忙携籠
拍塞貯不盡歸來滿袖春風香攬衣踏破青銅鏡按
動碧雲流一徑流歸銀鬲作波濤無限春工上盤飴

酒歌

謝同舍葉南陵名英

嘗聞子美清江曲日典春衣耽美祿又聞太白避長
安市上熏、醉眠熟風流國裏太平時處、紅樓漾
酒旗王孫公子恣行樂繁絃脆管相追隨誰知寥落

天涯客笠頂清風秋挑月芒鞋踏徧山水雄奮身欲
入黃金闕方嗟蕭索向西園刮面寒風雨漲天回頭
忽喜黑衣至急破紅泥頌教船雖無皓齒歌金縷也
掃新詩狂欲舞兒童拍手笑攔街應怪吳儂喜如許
長江波浪卷銀山去、仍悲道路難只憑一醉建未
得更借高風吹片帆

寄敬甫葉兄

歲次丁卯秋八月既生魄于時謫建安脫去未有策
忽覩星鳳光慨然陪履舄自謂入閩建閱人几千百
間有知功名可見復邪僻否則苟利祿鄙猥何足責

獨我子敬甫挺々出蠻貊舌端搖戈矛筆下羅疆場
和以軍國秘歷々有奇畫以此方定交歸心已翰駟
送君東耶門握手不恐釋明年入中都首上平戎策
甫結君相知便念長沙謫細草天子書願置孤臣驛
論薦方躊躇倚門重垂白轍環溫清圍笑言方哂々
去我兩牛鳴恍若閩山隔去年槐花黃郡國書貢籍
若以經濟材俯亦從此役白屋寄簪纓青燈照衽席
談笑生風雷議論燦金碧雪香飛梅花歸鞍整南陌
別德殊未幾拳々在朝夕君腹坦東床吾身繫西園
從此嘆參商蓬瀛非咫尺々紙雖屢投奧援不我索

星次幾一周幸我安且釋嘗觀義与利更相為損益
歎論古人交二者請君擇不惟眼獨青且要心同赤
此身可糞粉此道不可易自料吾与君造物難弃擲
胸次蓬萊山襟懷雲夢澤未說詩書帥休論文章伯
堂々大丈夫詎可虛竹帛但恨不振蹤尚此多杆格
在君當先登挽回二千石飢渴切君身推解過畴昔
炎涼無異心始終無異迹庶幾吾二人交情可全璧

記夢

夜夢牛室角折
足跌目記諸紙

夜漏徹三更夢牛入我屋有角折而懸有足折而縮
驚覓細思量識有何禍福兆者事之先形者心之屬

事既兆于心夢乃形于腹入屋牛有蓋為卒事刑獄
吾今尚縲囚其應已桎梏體具牢方具無足牢不足
不足意無他示予可脫輻去蓋只論牛其豕尤可錄
牛足不下垂得一生可續牛角不上橫得某去何速
一旦忤君心吾罪當何贖生去氣橫秋風馬不相逐
下裂輿地圖上應周天宿崢嶸挽萬鈞其始播百穀
身雖在籠檻志不徑溝瀆寧戚不吾歌丙吉當吾哭
安得如齊王過堂憐敲鉢

琴

翠微得雷霹材斲曰天
籟鐫二十八字于底

月浸虛堂夜氣清
起聽萬籟寂無聲
輕拂動匣面
塵玉笋不彈風自鳴

苦蚊

夏夜苦蚊書
二十字于壁

四壁人聲絕
榻下蚊煙滅
可憐翠微翁
一夜敲打拍

翠微南征錄卷之三

翠微南征錄卷之四

詩

次李信州七十韻

挺：萬人傑堂：間世賢胸中兵千萬足下客三千
揚賦希三嘆坡詩和百篇錦囊華似袞綵筆大如椽
隨陸縱橫舌良平左右肩兩駟公子服四牡魯侯旼
量閭滄溟岸曾蟠泰華巔紅壇歌魯杏白社結陶蓮
遣幣通秦好求媵托鄭媿匣藏頊虎兕冠飾待貂蟬
慄自龍頭奪書由雁足傳不侯蠓李廣求使短張騫
食容希毛遂茶僧集大巔南詩材親子建字法邁公旌

黃貉蒙金絡青驄勒寶韉伐燕欺駢叔聘魯慢韓穿
周室歌山甫齊人美仲連釵從豈水鑄碑向峴山鵠
有頌褒唐太無詩刺衛宣椒堪傳代郡節可伏居延
聽訟疎淹禁豐財剔冗負策從之反後鞭着祖生先
孝有參而已忠如丘者為春水同皎潔秋月共婵娟
冢宰當鈞軸將軍事橐韃千官視標凖萬國倚陶甄
多士圍官帶諸侯執豆籩山期封泰岱石擬勒燕然
馬旬期環輶堯祗願受塵明堂歌赤紱清廟頌朱紘
臺閣皆三益盤盂託十愆片言能息訟隻手可旋乾
公昔嘗推轂吾今尚食糧聞鷄効劉舞抱虎笑秦眠
蘇子舌猶在遼韶腹尚便牛衣怀白璧虎節誓青氈
飲馬量肥水屯兵料漢田髮星飛汴洛血兩洒伊瀍
伊五成湯統斬三孟母遷雲鋤翻楚嶠月纜繫秦川
壺有扶頭酒厨無縮項編詞源慚子美詩社感庾堅
水陸三千里炎涼二十年周田終廢井秦陌已開阡
夜月琴三弄春風詩一聯自稱山宰相人号地神仙
扣馬罹三尺平戎授一編鼠投當忌器魚得偶忘筌
避地思無所滔天罪莫前梁鴻方北譎賈鵬已東旋
孫則難謀魏樊誅莫赦燕江天駟烏雀淮地迅鷹鷂
日守椒嘗分星流太白躔瘡痍連四境煨燼極三邊

淮浪夜翻雪胡塵晝起烟二陵歸培塿百
自撫劉生几誰思祖述鞭戍方興頡利役莫
宮昔嘗游泮陴今謾嘆園豈知匡國手愛作
楚客弓雖失秦人璧幸全官逢良可畏吏鞅不
世變言難盡民頑令不悛一千新楮券三百舊
駟馬涎流地群鳥冥蔽天人心徒擾々王道
衛女歌淇澳曹人思下泉窮途惟自愧當路
作備宜先後追倖怨不前詩成何太喜舞袖欲福禮

丹青閣

次朱載

未識丹青意凭欄試解嘲烟雲朝起陸汀渚暮生潮

山卓數枝筆天橫一幅綃霞收紅暈淺溪褪綠痕消
箇裡風烟冷於中景物競飛黃凌翠閣寒碧瞰紅橋
酒盡香凝壑詩成錦掣幪朱衣扶客醉翠袖帶人嬌
屏帳接千里画圖連九霄長風來水尾斜日轉山腰
赤脚支筇穩蒼頭控馬驕老臣今已矣兒女揔金貂

律詩

上韓平原

君家勲業在盤盂莫把頭顱問鐫鏤漢地不埋王莽
骨唐天難庇祿山軀不隨召爽始求老便學孔明終
托孤十廟英靈儼如在謾于宗社作穿窬

清富樓

小湖楞伽老作
樓名清富求詩

楞伽心地有瞿曇清富名樓足可觀
買斷江山詩料俗揭開風月畫
圍寬都無一點紅塵到便作千双白
壁看戎款鞭馭快幽賞白鷗盟在不
憂寒

去年清富屢求詩今日凭闌約翠微
山帶野花堪入画水環汀草欲成圍
一圍黃菊有餘食兩頃白雲無限衣
說与塵寰守幾虜不勞魂夢到禪扉

出郭

十客出郭中有自稱為
隨佛下生者就嘲之

十客聯轡出北門馬蹄刻盡碧苔痕
從教管史占星聚且聽查人和月吞
我欲求仙問離坎君當隨佛整

乾坤樽前慷慨休詳醉明日有懷誰共論

舍後丈地令人植花竹悶
則避清風明月醉而倒

有地都來一丈餘墾鋤元不費工夫
西墻先種竹三本遠檻却栽花數株
風伯喚來煩解珮月娥邀得醉携壺
憑君試向蓬萊問還有神仙似我無

送周魁

時周在閩門出疆
是歲元日立春

昨夜霜風鼓萬兵今朝華節照邊庭
人間元日是春日天上魁星為使星
且向席囊探寸尺却歸麟閣做丹青
離觴不是延清夜明日異邦長短亭

二月二日即事

次王德元韵

春潮昨夜沒平灘一雨催花色半含雁與元宵歸塞
北燕却新社到江南無歡不喜遊花籍有病何須置
藥籃只把公忠答天地從教兒女鬧冠簪

登樓晚望

次曲溪韻曲溪方以棘水求補外

六曲朱闌瞰碧虛淡烟秋水接平蕪展開風月添詩
料裝點江山歸画圖奔足便堪馳駟馬折腰何必問
双鳧當年更亮今还在定約樓前醉一壺

訓愛婢

十載膠庠莫恠窮旅囊安得有從容無錢休欠牛羊
債有酒只將魚蟹供班領昔嘗肥似燕沈腰今已瘦

如蜂從今莫恣肥甘口只擷清蔬祭蒼龍

別藍詳道

詳道率昆玉送至橫江以詩言別

君在江東我水西君今北去我南歸竹涼和客凌風
瘦梅子偏他得兩肥鶯轉好聲歸酒竿花分紅影上
人衣相看莫作皺眉別期子秋高賦式微

傷春

次賈武仲韻

初入京華菊薦香逢中今已過春芳十年恰走萬餘
里兩鬢几乎一半霜却酒不禁春黯淡落花愁對月
昏黃不堪夜半歸心切更被杜鵑啼斷腸

別子陳子

寧州人向崇識之宣城郡齋

丙寅三月三十日天子檄我南國行蒲劍欲飛春漲
急柳綿才脫曉寒輕十非得已初何好物到不平終
作声自古英雄總多難賈梁何必怨清明

河鮑

有感次秦
仲山韵

形容初不類魚蝦偏稱芦蒿与荻芽蝕物可憐空怒
腹嚙人无計謾聲牙子排金粟真堪畏乳滴玉酥何
足誇從此烹鮮督庖吏只將鮎鱧假名它

自嘆

次黃
魁韵

自嘆身謀我独踈只貪風月恣歡娛盃盤遇客随多
寡囊底何時向有無万里梯航无骨累十年墻屋有
穿窬從今老去無他望綠綺一張膠一壺

春日書懷

次李次
熊韵

紫褪紅梢到海棠几多遊俠為渠忙秋声落盡鶯調
曲春色惱人花闌香瓶乳雖能屈蘇武牛衣終不卧
王章男兒多少英雄氣只对東風醉几場

過文春山

宣界有山曰文春又曰百峯山
之陰市曰版橋次壁間題韵

百峯撐碧版橋西眼力增明步武遲紅映竹籬花笑
容翠翻雲幕雨催詩蒼还及第吾何媿廣不封侯子
未思凡物不齊皆有謂到頭忠義是男兒

熱

三衢道中訪周
伯恭示詩次韵

翠微家在大江東五月鞭駟入建中雲烈火車天欲
雨汗淹香葛扇無風不求殿閣千間庇却喜岩泉一
線通為汲滿盃清齒頰与君行盡夕陽紅

有感

次陳平
仙韻

十年憂患客江城双鬢蕭々已不禁多病不逢匡
手感怀徒有濟時心西風吹夢夜寒悄黃葉滿階秋
意深休笑當年杜陵老白頭今亦不勝簪

閩中賡趙丞韻

壯士不同兒女曹誰云賦性太麓豪一編韜略進擒
虎十轄絲綸李鈞熬劍口不磨韓信血昂心須刮食
其膏英雄多少不平氣一夜朔風爭怒號

秋宵有感

滿目秋容拂畫圖敗荷衰柳接平蕪西風刮地鴈聲
落寒月滿天人影孤木耳有才持紫橐楮皮無計換
青蚨不知此去功名事還許封羹見也無

過羊腸嶺

和壁間韻羊腸
於潛分水之間

拂面東風吹夕陽路蟠千折過羊腸山疑隨馬回々
見花欲撩人故々香世路與誰分曲直人情於我自
炎涼何當更上風烟上為把窮途問彼蒼

宿橫溪橋

橫溪在
淳安界

夜宿橫溪烟霧間肩頭歸路萬山攢連天來浪波千
頃撲地揚花雪一團餘鏹不供春後醞夾衾猶怯夜
來寒征夫莫恠車音溢自是愁多行路難

送倪尚書赴召

守節如初未足觀毫釐終始實其艱鄭公勇却樞衡
貴衛叔羞居荷素班冷暖萬端收飯頃是非一着奕
碁間江湖無限孤高客拭目看公此召還

宿嚴瀨時迂王卿未至

遐想高風殊未厓艤舟夜訪子陵臺嘶山西照情何
限逝水東流夢不回双槳未聞卿月過一尊先為客

星開東都人物俱煨燼独有先生迹未灰

題澤民廟時被命追回

生握藩旌死象黎澤民山下澤民谿蒼天九重開日
月赤地千里興雲霓假商宗曾得說爵高韓信屢
封齊英雄不入蒼生眼願借高風吹馬蹄

早春即事次菊坡韻

楊柳絲々弄淡黃怯寒燕子未歸梁曉迷芳草駉駿
濕夜宿閑花蝶翅香得白自慚非子美賞音犹恐誤
中郎願言相約花前醉莫放春容過海棠

早行述懷和壁間韻

歸心夜半已飛揚
喚僕吹燈促晚粧
雞翅拍斜茅店
月馬蹄剝破板橋霜
二陵万里埋荆棘
十亩百年生稻梁
安得有臣如祖述
慨然擊楫誓江長

題易村請迂道半里訪之示詩廉韻

玲轉峯回竟有村
數間茅屋瞰山陰
午炊已飽翻匙
玉臘醞仍拚掛杖
金窈去作文和鬼
送吳來得白倩
蟬吟一声橫笛斜
陽外吹起江湖万里船

述事次王夢与韵梦与好谈物理之序因藏之

心不融明遂啓疑源流
本末致交馳
谷何尝響人相
喚岸幾曾行舟自移枉
直萬端明似鏡
是非一著錯

如碁磨心拔去誰能轉
試問諸公知不知

述怀次何德父韵

我生不解覓剋裳
滿日風波祇自傷
楮券不堪供虜
幣沙籌那解足
軍糧人情在我隨
多寡世態從他自
短長只告天公乞
安樂百年隨
公老農桑

寄劉浩然次浩然韵且勉以善中所喻之意

樽酒繁髭髮髮新
別來驚見雪霜侵
幾行泪滴風前
燭一片心敲月下砧
好德未聞如好色
知人安得似知音
一書欲寄南來雁
江濶天高無處尋

知遇今思古成知遇

淮陰西漢一英雄
史氏持衡論六工
不向追亡羨蕭相
却于爰死著滕公
豈知並績三人傑
皆自當時一語功
後世人材自戕賊
炎涼安得古人風

和我時有函首
請成之議

納幣求成事已非
可堪函首獻戎墀
一天共戴心非石
九地皆塗血尚泥
反漢須知為朝錯
成秦恐不在於期
和我自有和我策
却恐諸公未必知

翠微南征錄卷之四

翠微南征錄卷之五

律詩

自寬

次游少翁韻

十事相尋九不諧，骨穷更值五行乖。
人情厚薄且隨分，世態炎涼休掛懷。
家欲自豐無楮幣，爨憑諸執有荆釵。
如今且任眼前過，他日功名殊未涯。

黃氏三層樓

東嘉焦次詹韵妓登樓賦詩次韵

瘦筇支我上高寒，風露淒清酒力慳。
千里人邀千里月，一重樓見一重山。
筵前飛雪噴焦遂，檻外行雲過小蠻。
便好翻身駕黃鵠，直將情托扣天關。

幽居

次陳吉父韻

莫問門無長者車，只圖深巷樂樵漁。一園黃落食無限，萬壑碧蓑衣有餘。雁足北來歸訊杳，馬蹄南去故人疎。東風看整朝天旆，多少功名在故廬。

賀趙丞登第

詳希珠校瑞全

要與宗盟立紀綱，俯從多士較文章。人材漏網無疏密，科目搜羅有短長。蟾窟一枝分玉樹，風池三浪出銀潢。何當推解延豪傑，為復中原万里疆。

梅

次稼軒香字韻

一年無處覓春光，杖策尋春特地忙。牆角數枝偏冷

淡江頭，千樹欲昏黃。梢橫波面，月搖影，花落樽前。酒帶香，更仗西湖老居士，為予收拾付詩囊。

捉月

仙尾目酌以酒送之中流

纜解西風拍岸顛，雁拖秋色上航船。掛帆未作乘風客，奉棹先驚捉月仙。楚夢有淵心石殞，賀狂無井眼花眠。慙為醉一盃酒，斷送西江浪拍天。

呈齊次翁

次翁以詩見慰次韻

王護不事富春侯，自是薰蕕味不侔。病体隔年留枉獄，夢魂連夜逐歸舟。可憐商木遷新令，欲為韓門復舊醅。但得此心無所愧，為公一死亦何尤。

調成

次劉平甫韻平甫來自蘇浮欲出江外訪武仲當此故源以詩言別

勿憂李廣不封侯
侯未足憂漢鼎不烹曹操
內兵鉤空斲伍負頭鴻門自昔推屠狗虎帳于今愧
沐猴千萬南陽遇徐庶為言豪傑尚襟囚

別館即事

丁未春初出姑蘇有詩

十年客裏過春光
客裏逢春分外狂
半堵碧雲蝸路濕
一簾紅雨燕泥香
嘶山西日鮮春闊
拍岸東風趁夜航
莫向錢塘蘇小說
東吳新髻李紅娘

武典解舟

時有北征之役

西風落日楚江頭
秋水已平鸚鵡洲
烟樹接天迷送

旆浪花翻雪噴
行舟三五萬事我已飽
一日千里誰能苗見說
平戎新遣使班超
投筆已封侯

不遇

吹稼軒韻

英雄不遇勿長吁
苟遇風雲彼豈拘
不向關中効蕭相
便于江左作夷吾
當知晉霸非由晉
所謂虞亡豈在虞
多少英雄費河嶽
鍾子不遇徒何歎

紀事

翠微在建遇事即紀以詩

鉗口割腸未足殫
窮源探本可觀濶
乞醢孰謂鄰非直
反矢須知友必端
暴虎欲從頭碎璧
沐猴還慮髮衝冠
積薪措火居其不
試問賈生安未安

冬日述懷

次柳塘韻

寒入肌膚采已生，銀河凍合水無聲。
梅花漏泄春先到，風色商量雪未成。
有愧何須問天理，無求方始合人情。
男兒未際風雲會，辜負胸中十万兵。

暮春述懷

次李子彰韻

一年春事已差池，又見楊花貼水飛。
梁燕不憂鷺午枕，箔蠶生怕誤春衣。
景逢佳處須行樂，事到難時且式微。
幸有黃雞并濁酒，且和風月醉柴扉。

幽居

次陳百一兄狀元韻

十頃平湖一簇山，湖山佳處著朱闌。
公塔草色迎春綠，漱石泉聲入夜寒。

不擾自然人事好，有為方信世

途難。如今休說當年事，只把心平氣定看。

謝二劉

文卿挺卿志卿見慰且有米黍之厚時昌節前一日

雁行臨慰暖如春，玉粒金包即拜恩。
周粟不肥清粳肉，楚絲難繫直臣魂。
二生在昔聞孤竹，一死于今愧屈原。
圓蓋下頌誠有謂，此情兄外更誰論。

暮春述懷

次羅廣文韻

買春無計托花神，費盡榆錢不計緡。
風絮飛成三徑雪，雨犁翻動一園春。
有心報國從招禍，無相怨貧試問壇。
与分社予何人，彼亦何人。

呈諸同舍次黃浩然韻

洛陽年少不知幾十載南州賦式微三季不登黃甲
去兩序空笑白丁歸頭長賈昔過三尺腰大巨今徒
十圍祇恐金盞不前席誰云無策富王畿

寄陳士元丁卯五月聞有符離之校

郊野英雄不肯收膏梁藟黍有何謀胡兒只怒馬黃
弩公子當求狐白棗唐詔屢頒黃不第漢壇綠葉信
當侯古今得喪同兒戲何必區區嘆白頭

貧居次劉亞卿韻

貧居不暇理椽茅只倩江山圍一遭林鳥樂時知地
僻類雲閑處竟天高春衫著破重車線臘酒尋乾猶
糲糟且把盃盤聊自適不須平地起風濤

呈魯功甫功甫元宵預有禁烟之約

拂面東風二月天綠楊芳草暗平川花容羞雨鬪翻
錦春色惱人催禁烟灯夜雖然君有約花時却恐我
無緣直須得暇來相訪當約嫦娥伴醉眠

勉馮著明著明被西府檄押兵上淮著明病解作詩勉之

主憂臣辱已難堪國事顛危况未安溺嫂臨淵犹愛
手關人同室尚纓冠公如不唱從軍樂士亦恐
路難麟閣功名總勞苦莫將行役作辛酸

藕花

馮肖許有藕花詩和者盈軸其西社中名士見者莫不圈筆近

送義不可却勉強續貂

惜絲不肯織宮鞋花月仙人謫不來河伯借泥封玉
既風神翻浪沃香腮無房不許峰面宿有蓋嘗令鷺
自開何事竟仇結青女一朝收拾付塵灰

自勉 次趙丞韻

世態風波不可論且于閑處樂天真肥家無子堪登
灑夏固有人休向津顏色雖蒙時借我脚跟那解日
隨人客來若問當時事握手無言對北鄰

初夏即事 次王剛林韻

陰暗未判落梅天柳巷無人絮撲塵滌器倒囊尋市
醞喚船挑網得溪鮮鳥声呼夢客千里山色撩人句
一聯遐想故人應念我馬蹄何處夕陽邊

呈鍾子嚴 子嚴方有入荆之意因戲之

那條路不通去長安莫把心腸獨自刺有釀何須兒
索飲無殺徒勸客加餐千金不費思歸楚萬戶無封
願識韓大抵利名此子耳幾多豪傑被縈絆

寄揚渭夫 渭夫久居江湖近後陸安宰丁母夫人之報忽辱以詩見慰以謝

自愧材猷不足覲獨于忠義死難千二陵
漢万里腥羶誰報韓眼到北盟常搵血

衝冠如何一代名人傑稽首稱藩莫不酸

幽居次劉德之韻

瀟灑幽居屋一重入門花柳間青紅簾堂礙月鉤
掛酒不逢花盞不空畏愛難全公子日雌雄誰識大
王風且將酒貨迂詩料休問權場通未通

呈王君庸

君庸歲有烹笋之集是春有納寇之慶示詩次韻

主人意重出霓裳客子愁多欲斷腸
眉黛暗傳春去恨臉紅猶帶夜來粧
竹根稚子肌膚滑葉底荷花語
笑香多少行雲在巫峽謾將詩思惱襄王

寄西山

西山詩訊事次韻

宮牆無地可穿窬
猶幸先人有弊戶
任版可羞寧毀瓦
儒冠曾誤枉收書
供柴我合同收炭
寄食君當自办蔬
此理曉然明似鏡
何須足下肆耕鋤

呈李朝舉

朝舉詩談論慷慨居者多有詩見寄次韻

一片忠肝照日明
濟時無策苦傷情
聲牙拊几悔南渡
和泪挑灯編北盟
漢用檄招三十郡
楚因歌散八千兵
太平若闢生靈肉
何用生靈望太平

小春言懷

次項山南韻

桃李生香花滿谿
南州十月尚襜衣
春從酒壚榨將出
秋在詩囊帶得歸
弓射十分方破的
碁高一着便

爭机勸君莫作等閑看
毫髮差殊事已非

春愁

益公有萬事關心眼
已昏之句次其韵

十日春愁不出門
出門春事已消魂
插花掀帽倩人
挿索酒得盃和月
吞啼鳥声中近寒食
落花陰裡又
黄昏春來春去總休問
往事悠々付一樽

呈徐商卿

十年憂患謫東南
萬事于心了不關
病去只愁雙足
軟老未且喜一身閑
人情無處便生怨
天道有時猶
好還大抵久長居
富貴到頭天意亦須慳

春遊有感

次王長卿
賞春之韵

上苑春工到海棠
老夫隨分為春忙
朱絃轉枕鶯催
拍紅妝倚欄花闌
粧吾道幾時曾損益
人心今日自
炎涼願言相約花前醉
一聽兒童號酒狂

憂山呈項甫

憂吾所謂果何憂
國憂家亦未休
坐法馬遷方去
漢釋囚箕子
萊歸周西風萬籟聲
恨夜雨疎桐點
点愁有客不知吾
所向却將米價問南州

述懷

陳子中自番禺一別不聞動靜
忽自廣信來慰我有詩次其韵

我生胸次不塵埃
不學兒曹剛自媒
詩料雖憑風月
製宦途還聽鬼神開
十年教養
功名念

已仄安得金鑿有清問賈生何事未歸來

套筒

點辛以缺圓竹筒貫索為繫囚之具因詩其狀

作箇咄囁贅項咽箇中和我萬愁牽一箇作柄簫無
竅雙鐵為圍扇有圈身拜却疑人是犬手擊還類筆
如椽從今節、能通氣安得當為積蓄錢

春郊即事

東風吹動綺羅塵翠蓋紅纓處、新蝶翅拍開千樹
雪鶯聲催老十洲春人生有酒須行樂走祿無階且
食貧歸客不須籠畫烛醉和明月上雕輪

雪

次吳子同酒價添字韻

天低江闊水連天上下周四色兼撲雀獵鷹翻白
縞得鱸漁父指青帘馬拋玉勒瓏瑤落獅欠金鈴橋
袖添得白莫嫌呵凍筆明年歲事已堪占

翠微南征錄卷之五

翠微南征錄卷之六

律詩

題

富沙廟丙寅七月晦富沙居民火延燒至平
旋獲反風之應環祠民屋悉為煨燼而祠
之簷楠無一焦因感神之威靈而詩之

平政橋頭火燥空富沙宮殿烈烟中地形難撲徒臨
水天意能回遽反風十里爆雷驚客夢萬家全壁賴
神功君王注意恢神武更乞威靈為寶冲

次翁正叔溪山勝游之韵

溪南風物照窓扉溪北蘭舟纜翠微双槩碧雲苔
合一簾紅雨杏花飛只知有酒酌佳景却恨無繩繫

落暉更約風流衆年少明朝依旧莫相違

春郊即事

東風吹不斷輪蹄處
鞦韆環珮飛翦翠
弄粧歸髻掠亂紅
翻錦上屏幃
花應笑我春
嘗醉燕解嘲人夜
不歸莫怪逢春太
娛樂人生能有幾
芳菲

悶題

此心忠義出天資
奴隸兒童莫強為
燕雀不知鳴鶴志
牛羊徒飾虎狼皮
事當桀犬吠堯日
書在塞鴻歸漢時
拔劍問天不語料
天還愧負男兒

呈陳平仲

甫友送學薺目以一盃為平仲壽反辱平仲分羹之惠示待次韵以謝

達人安分樂平生
不与陰陽造化爭
漢節有人恭且止
楚盤無客遂當行
若公地粟三盃酒
分我天香一味羹
大抵有施須有報
木桃瓊玖愧詩評

紙帳

主人冰雪洒曾襟
買宿銀城不計緡
春草有詩皆白雪
秋毫無夢到紅塵
月娥好作雲間侶
風伯不寒冰下人
更喜五更臆外月
梅梢分得一枝春

兵

兵貴先人斯奪人
莫教向謀漏真情
漢因有備胡終退
秦為無人楚始爭
卦向爻中分損益
碁于局上定

輸贏不知都督三邊者還肯江湖問一聲

自訟

次韻

我生素不事恢諧擔板方頭喚不回遇事豈容無正
論濟時未必有長材頭雖五岳不辭劍口恐三鍼合
用枚不是生平太剛介如有蹤跡尚塵埃

紀時

陸大方各規江湖之士宦途不得志德
于琴閣僕有建安之難來慰以詩次韻

古今多少好英雄未必奸邪未必忠上黨昂膏流地
白長平坑血濺天紅三邊傳檄兵難息二權開場貨
未通更願年豐富金帛飽裝馳駕為和我

重九

破帽無情不受吹滿頭霜雪已如絲菊花笑我三我
客風物撩人九日詩三楚膏腴已煨燼二江皮肉更

瘡瘻子卿三月無音信鴻雁南來何所之

禱梅山

初入建求誠梅山告
而不驗作詩告之

許我登龍尚未還作詩更為謁梅山如何威惠推千
載犹使英雄困八蠻神不提身歸虎帳鬼須孽口動

龍顏聰明僅為扶宗社願借風雷頃刻間

寄西山

久不拜西山忽有陳
武昌之便因作詩寄

姓名久不到西山覓便無風臭謾酸天塹有花春堰
急地爐無火夜坐寒青灯昔記對床臥白髮今羞把

鏡看見說北歸常有雁一書無惜報平安

再禱梅山

梅山昔扣五通仙曾許英雄第一籤恰遇塵埃當擾
擾如何泥滓尚淹淹若非推入高宗夢須是駭戎太
史占他日崧高詠甫甫一香先為大王拈

怒題

壯氣橫秋面握丹男兒未遇指休彈賣藥豈料周公
國盜粟為知漢築壇脛未甘纏史鞅髑髏不信談
儒冠夜深踢起床頭婢和淚挑灯把釵看

寄范茂卿

茂卿家于北苑予識之于建
西園因遣人告荅以詩嘲之

社風吹逆雨前枝正是施工北苑時小勝未封總入
盃短鎗初折半含旗一盆臘雪分龍井萬杵春雷入
鳳池見生貢餘山仙積小煎還肯換新詩

題溪莊

山擁青螺出粉牆水環銀帶插溪莊一百五日而翻
浴三十六宮人鬪粧蝶翅拍花催舞袖鳳毛翻錦入
詩囊新歡舊恨知多少且對東風醉幾場

奇見

施清叔鶯出城西于小園見一髮四圍
皆歌鶯拍蝶番思去京至此凡七換髮
籬方破天荒爾就借
清叔韻以記其事

紅牙催拍燕飛忙一片行雲遠畫堂眉黛盛成游子

恨臉紅燒斷故人腸
榆錢不買千金笑
柳帶何須百寶粧
舞罷隔簾偷送目
不知誰是楚襄王

思故人

大乙年來落翼并
幾多豪傑未成名
竟天日月計和玉胡地山川知
耀卿盧六駟風能破屋
陳三平水可傾城
年來幕府勤延攬
何事諸兄未有声

呈古洲老人

衛霍勳名李杜才
終過四十也心灰
借塵趨少便披拂
詩料空多難剪裁
時事謾提眉便皺
家懷未說眼先開
朱簾更倩梅香掛
要于銀蟾入座來

訓小童

小童頑不聽言欲建

飯罷令人喚小童
敢煩捉耳為開蒙
芎茶不用焦湯
点紙被還將
艷火烘醉欲伴眠
當倩月熱求揮汗
合邀風它時我建清
油幕廉汝封侯學衛公

郊飲

次韻

茅舍松棚隔小橋
碧帘斜掛竹籬腰
猪頭煮去和皮
擘牛肉秤來帶骨燒
村酒不圖邀客醉
野花復喜向人嬌
歸舟不用撐明月
只倩西風借晚潮

西爽

小詞體正詞
約少詞
所請
五十六字
氣微日

客子東南不着家
主人北里恣豪華
夜深常倩月移

竹春老不煩 風掃花暮雨送涼 歸枕簟夕陽 田客賦
烟霞何時執手 闌干外同把功名 誓鏤鋤

斗齋

靖漢先生托廨大中僧
室有齋名斗示詩次韻

八方無處着瞿曇 百合中間寄一龕 滿挹酒漿供里
北平量風月 借和南腰如可折 豈徒五涎若果流何
待三更喜小腮 能就拱夜寒江靜 着山函

呈楚南僧

剛賜未肯報 平安擬把功名一擔 二方向杏壇 逃敗
北却于蓮社 得和南香同 世事炎還冷 茶類人情苦
始甘大抵久長同 佛法此心何處不瞿曇

山居

次五山
甫韻

布作寬袍竹作冠 蕭然万慮不相關 數声橫笛烟霄
外一箇閑人 天地間若遇急流須勇退 送教倦鳥不
知还 百年富貴君休羨 得似浮生半日閑

吳伯叙

伯叙嘗喫官鹽有司欲以為私
取而藉其家贈以五十六字

太平官府不停囚 求劍烏衣欲刻舟 私笑是鷄雞做
雀公庭得馬便成牛 不疑若受千金謗 膠鬲當貽万
世羞 見說明公在蓮幕 不知能鑑此寬不

讀史

史筆如衡頭 正持莫教浮誕出 無稽已成帝業從烹

父未將王師休殺妻秦逸号眠為抱虎劉狂名舞作
聞鷄麟經削後無全筆磨玷吾當尚白圭

建安暮秋

次韻

斜陽望斷水平橋古柳蕭疎已半彫魚躍浪花翻水
面雁拖烟練束林腰花時無鱸能追騷月夜有詩堪
續貂回首故鄉多少恨亂山無數路迢迢

三衢道中

次毛子

西風吹夢落青帘濁酒三盃路二千別岸舟行秋色
裏故人家在夕陽邊囊中有藥難医国竿上无鈎可
釣賢見說近來書籍貴監唐川漢莫論錢

秋望有懷

收張子明王清之感

片雲和雨卷西風綽盡遮闌眼力雄遠水半連晴漢
碧暮霞全借夕陽紅姓名未得照諸子鬢髮皓然已
一翁欲識翠微詩外意豈因憂国願年豐

送李子方

詩潮

子方以時家子不東用事業之秋
漂流下僚方有求婚問舍之意作

乱雲推月上層樓，上朱簾不下鈎雞翅拍開朱戶
鎖雁声喚上木蘭舟黄花撚酒苗人醉紅葉題詩倩
水流李廣不侯人不笑，他人作嬾羊頭

寄兩庠同舍

次鄭

昔年槌鼓扣天關，遠謫南州七度春。
大享有恩來北闕，小囚無路晚東閩。
烏衣座滿民流血，画烛簾深按積塵。
見說九重霄旰慮，長沙犹有少年人。

呈公漕宰

向白京口漕舟入皖高
邑東新法作詩新之

長亭不作馬蹄廷，一葉孤蓬入帝都。
星布闕津皆自放，雷封纂節獨相拘。
可憐罔市千般有，誰信虛舟一物無。
為祝琴堂早催發，片帆連夜過姑蘇。

九日

次趙升
仁韵

木落西風黃葉飛，子卿无信雁來遲。
淒涼自笑刘思父，慷慨難追杜牧之。
歸興十分濃似酒，愁腸一缕乱

如絲。憑君細把茱萸問，此會明年健有誰。

戲呈趙可父

可父以法曹入幕，明年為鎮
試第一，是冬正欲遣使，謀和。

少年場屋擅詞鋒，審識無私只奉公。
夜月蘭宮無宿曜，秋霜蓮幕有春風。
明堂難毀周公制，鄉校猶存子產功。
文德自来能服遠，更煩劉向為和戎。

挽吳夫人

夫人少師孫女，居蜀，適王氏，
卒年十六，葬于舒仙姑之山。

驚驂不是厭塵凡，王母瑤池促駕還。
家在兩三千里外，人生一十六年間。
好随神女游舒水，難伴文君歸

蜀山試向仙源問消息
桃花零落水海

岩桂落英

和郡楊伯宗
有詩次韻

淨掃庭階襯落英
西風吹恨入蓬瀛
人從紫府囊中
過馬踏黃金屑
上行眠醉不須鋪錦褥
研香還解作
珠纓宮城未許填溝壑
收拾流酥浸玉罌

牢城述懷

思寇平仲發書吳
元白和平仲動靜

江外音書久不來
重城昏鼓又相催
眼前螢掣簷前
電耳底蚊轟屋座雷
乃事類碁方入局
此心如火已

成灰憑君試問吳元白
老寇東川回未回

重午

次鄧信甫送菖
蒲斂符之韻

虎眼龍鬚午未乾
楚臣遺淚尚潛
梅天有雨金花
重麥地無風翠浪閑
蒲解臬風豈臬賊符能駁
崇不駁姦一樽菖酒呼天問
何事男兒鬢漸斑

翠微南征錄卷之七

律詩

有觸述懷翠微以許直取怨于人多矣士大夫有始若加禮而終乃者深切悼之
 英雄還要識英雄不識英雄總是空投鼠在人當忘
 器見鴻非我獨弯弓情從忠佞分輕重事戒恩威疾
 始終說与翠微休截了三緘從此更 工

岩桂建人以盆蕙為重岩桂夾道反以為常弄故貶而抑之

西風吹老碧蓮房万壑風流折麝囊謾与籬花爭曉
 色肯教盆蕙壓秋芳月中有女曾分種世上無花敢
 開香要識仙根迥然別一枝開傍却家墻



偶成

一別京華近十年此心無日不悠然
嗅梅得句天然巧把酒開懷地自偏
鐵硯不須兵十萬銅盤何用客三千
功名自有風雲會不遇風雲毋自煎

寄王士貴

畫橋相送百花春轉眼孤鴻逐斷雲
別後有誰能顧我客中無日不思君
風前花影嘗與念月下桐声久不聞
見說近來多好玩一書無惜寄云云

發書于幼弟及坦齋

風煙世事不堪聽勿謂封侯勝白丁
老眼隔年新舊

曆歸心連夜短長亭一声蜀鳥驚胡蝶
十幅蠻花寄

鵲鴿更向坦齋夫子道近來雙鬢已星星

寄王清之

清之名度入吳德夫幕置白漢上
歸鞍故有相
勉推挽之意

封書漢上寄清之却恐清之漢上歸千里謾懷明月

共寸心常伴白雲飛湘妃有泪能斑竹周士無心戀

采薇安得一緘飛海嶠与兄熊壘上淮淝

感應王祠

翠微繫牢城凡一歲蓋城中有感
若響應曰捐囊繪靈
神之容像而祠奉之

如神正直護縲囚當代公卿總合羞疏紙未燒謀已

遂妒香方熱病先瘳乞靈屢假三更寐釋縛當封万户侯待得有勲書竹帛一封當為薦宸旒

寄張舍人時舍人提本路獄事

萬完無計罨八衢三尺金科謾卷舒公不戴星馳馬民將指日就枯魚黃堂宴妓不加意丹陛慮囚空有書見說群烏廣瞻聽如何公論尚躊躇

禱富沙欲登部使者書致禱

十年蹤跡淖泥沙為炷靈香禱富沙萬里無由詣霜闕一書聊欲為星槎解膝許我來齊晏釋縛從君問左車他日橫飛上麟閣行祠當為建京華

謝劉判院判院以綿衾見惠

細軸濃雲寄矮齋蒲團和氣忽驚回一床浪捲芙蓉被十幅香重錦綉開不怕夜侵寒斗帳却愁春夢到陽臺感恩未作瓊瑤報先把新詩寄小梅

寄茗溪故人

昔年分袂雪江東繫馬花梢撲亂紅解珮送行情快快舉盃言別恨匆匆中人以上誰知我北斗以南惟有公此去東園有良便一書無惜慰羈窮

不禱收宗神書江淮有極不至如之

不炷靈香不誦經兆盃籤勝搃欺人窮通只合從天

地禍福何須問鬼神命到死時生莫俸事當直履曲
還伸從今若問開先事桃李無言二月春

送提舉陳工部自福建召入

溪風拂、卷征衣溪上攀轅恨馬遲蝗不入閩今已
矣碑無由覘古求之泉如送客声犹咽烟味留人泪
謾垂頭連長沙還賈誼為公江上斬鯨鯢

悉事

金幕諸丈不能奉朝旨作詩愧之

欲歸未去兩紛紛何事回天力未加九牧誰為十羊
主百冠當念一人豎時边有石心雖切腰下無錢手
謾又千万有人逢伯樂為言龍種尚盤車

呈陳信父

用信父

老來百計總無成當路時官懶尚名國事只將心事
比令人難作古人評蒼頭笑我樽無佐白髮欺人鑷
又生惟有建溪知客意過灘時作不平鳴

寄江子崗

和夜封書上子崗別來化日又舒長只知電燭兩經
月不覓星毛半欲霜竹葉照人凝盞滑梅花撩客透
籬香知他詩倩曾償未料得尋春日、忙

書太乙編年卷尾

編年自紹興上元甲子始至今中元甲子截日

其餘皆未來曆

年來太乙犯咸池三式編年事可疑西北膏腴從脯
暗東南皮肉恐瘡痍竟天日月期無已胡地烟雲歲
有之更向江湖問同志中原何日是歸期

怒成在建師旦

舌端豪氣吐長虹四海一身無處容不向北山求刺
虎便從南海學屠龍昂頭劉闢方成器劍到魏齊那
是舞欲抱不平朝玉帝夢魂飛上祝融峯

楮衾次子

霜風剪水作米花織出吳綾不用梭十幅曉雲歲處
士一床秋水浸常娥直疑天上無青女却信人間有

睡魔更向屏山畫梅竹紅塵還有此風麼

勉趙法曹法曹以詞賦明經屢首監漕初尉

在嘯集法曹招集豪傑外道掩捕雷駝商在
掃隨即撲滅因識江湖之士次任連安法
曹明年復為南省瑣試第一不願易授持
終建安任又明年祭兵上边時卿有薦趙
于幕府者江湖之士多歸之

銀潢河海浸崆峒君獨軒昂萬派中北鄙虎牢今子
產東山狼跋古周公固知魯衛封同姓合向燕秦策
異功我欲誓江同擊楫中流無惜伴英雄

獄中責廷尉廷尉黨權勢而無
公論以詩責之

重門有路透泉關便合樞衣問比干愧我直言難媾

吐從渠怒髮自衝冠烏臺有月身何及
犴獄無天淚謾彈自恨不逢包孝肅
此身那許報平安
吾巾不是不冠儒
曾被儒冠幾誤予
鐵硯不磨天地軸
毛錐難復帝王居
當時衛霍無傳秘
却著韓曹不著書
堪笑蒼生無眼力
不知豪傑在樵漁

挽咸虛中

虛中嘗從孝氏之季無歲不為廬山之遊治生仰給于藥府与翠微有林泉之契

夢裡匡廬興未闌
轉頭世事已辛酸
肥家有術疑非葉
澆酒從人笑不冠
雁序向人群已失
鳳雛過眼影何單
不堪回首原頭路
一塢松楸生暮寒

寄盧進士

丈夫策定在吳鉤
浪把橋門作勝遊
綵筆誤人隨驥尾
錦幪還我占鰲頭
關山夢寐三千里
竹帛功名四十秋
安得九重容借箸
盡將軍國為前籌

九日言懷

次劉功父韵功父為江湖領袖初有聯之約既而飛符入險不識

所在至是方以詩見貽次韵報之

淒、大氣間炎涼
破帽翻風客鬪狂
酒味暗消黃蘗辣
雁聲喚得菊花香
三索昔擬恢同軌
九日今猶客異鄉
更仗何誰上沙漠
為予申意郭汾陽

呈番易趙及甫

趙名在宋至七其之列

不學炎涼不自謀
動和權勢作仇讐
筆鋒帶怒搖山

岳劍氣嘶冤射斗牛龍虎榜中當擢第麒麟閣上合
封侯功名未入男兒手誰肯甘為郡督郵

九日溪樓遠望

西風寒落做重陽人在東南水一方地僻阻它鴻雁
信天寒檢我菊萸觴江澄素練魚翻赤葉剪紅綃蟹
結黃不是倚闌迷望眼欲憑歸雁問蕪郎

訴董寺丞

董詣獄問囚翠微款
以一詩董揮泪而出

神首羅喉欲蝕天弯弓直造玉皇前九重不恐誅林
甫一札翻令圓馬遷投鼠固知當忌器得魚誰敢便
忘筌吾今一死初無憾願把孤忠托孟堅

寄小王徐子晉

子晉去唐城二百
餘里托拜書二潘

十載長沙路二千歸心日夜在長安居家有蒼眉空
白戀闕無謀心謾丹獲雁不聞蘇子信沫猴徒笑楚
人冠馬蹄恐有唐城便為把功名問二潘

獄中作

壯士剜腸不受冤髑髏可斷志難干乾仇未報薪當
卧漢賊猶存缺謾彈情款不從囚口責灸漿難塞吏
腸寬何當盡瀝姦邪血染作衣裳看孟安

池亭即事

春風拾二破桃李池館無人一徑深鷗刷斷翎翻水

面蝶拋殘粉出花心詩懷撓我丹心破節物催人白
髮侵流水伯牙今已戾世間那復有知音

南釗水閣

欲向津頭問鑊鋤一潭秋水漫烟霞画屏對客景歲
景芳樹壑溪花照花有策廷爭慚賈誼無功庙食笑
張華夜深霹靂轟双劍驚起延平十萬家

丹青閣

閣上闌干紫翠環閣中身世異塵寰長虹吸月印秋
水孤鷺伴霞暈晚山萬里風烟屏帳裏一時人物畫
圖間凌烟須是男兒事却恐功名未放閑

折桂園友人宴

牆頭羅綺碧雲濃牆外鞦韆電掣空蝴蝶拍開花面
粉鷓鴣吹落杏腮紅翠袖不卷珠簾月蠟燭還搖錦
袖風醉眼不知塵世有直疑身在廣寒宮

夜步水西

半趺芒鞋過水西樓臺灯火未多時山羞見我頭
頭轉月怕拋人步隨楓葉卷愁秋去早溪聲翻笑
夜歸遲柴門只解聞烟雨不隔離愁些子兒

酒樓秋望

西風吹客上闌干萬里無雲宇宙寬秋水碧連天一

色暮霞紅映日三竿花搖舞帽枝猶軟酒入詩腸句
不寒古往今來恨多少一時收拾付盃盤

臨清閣

臨清閣在臨清府城上八景之一

闌干古木瑣青蔥
闌外簷花灼半空
萬里好山春黛碧
一溪流水暮霞紅
眩暎不礙東西月
帆過始知南北風
試問支郎一樽酒
好天良夜與誰同

思故人

思故人在建寧

十載無人問益之
誰於歎唾覓珠璣
兩三千里家何在
三十六峯人未歸
將謂抱薪能放療
果然畫餅不充飢
東川恐過連榮祖
一笑不須論是非

翠微南征錄卷之七

翠微南征錄卷之八

律詩

有激呈江聖與判院

不知不國不吾庠兀々騰々十載餘頸昔已逾三尺
劍腹今犹秘九疇書齊先難藝吳元濟賈鵬何慚董
仲舒只合三緘且鉗口一蓑歸去伴樵漁

與楞伽老瑛上人

勿謂年來世道艱都緣彼此不相參一生知己有千
萬十事後人無二三紅杏無瓊堪拱北白蓮有社結
和南扁舟若有東歸便新竹枯松寄一擔



呈王子蒙隱者

王子蒙

國士還須為國憂肯同兒女作身謀存無補世亡無
異生不驚人死不休秦鹿須還屠狗逐楚猴猶為爛
羊羞如今若論西都事却與中唐風馬牛

夜讀離騷

楮衾封冷白凝霜展轉無眠夜未央風欲送愁先卷
帳而嫌多夢故敲牕自慚鼓瑟投齊好謾接歌興効
楚狂起把離騷讀出悶楚詞還似楚江長

倪尚書生祠

翠微以西寅春被命南下建安寺王君告老別
駕兼領都事四戎西院港禁數百人因思先生不
復至此自惜其下文不早止也
謹以五十六字汚壁

聞說先生入建都一年民樂吏清癯四廂夜月封朱
戶兩院春風鎖翠蕪一旦有書追駟馬萬冤無計徹
群烏焚香再拜祝公壽尚有清朝賞蜀無

秋晚述懷呈薛子長

九江薛子長訪
以詩見慰次韻

一簾香醪一曲琴得相尋處且相尋盃寬却恠青山
小座久不知黃葉深當路星軺已鉗口異鄉風物更
關心何時繫艇秋江上醉臥芦花雪滿襟

觀桂堂

江穎伯有堂名雙桂詩
多矣求和謹次其見中

月姸親移入慶門廣寒今是並肩人分他蟾宮雌雄
種作我螢窓南北隣傲竇難慳三樹玉比說翻剩一

枚春主人便好鞭黃鵠斫取魁梢謝紫宸

憶弟妹

入建三載烽火轉徒不聞動靜

別來三載客東南始信人生首聚難

信鼻頭常為鵲鶴酸問天不語、徒屬蒿地上心、

類刺安得春風吹馬首臥聽行列報平安

責逋二首

辛文遠直干婚道甚急欲以三分之一塞

索逋無術謁公門室謂公門反槍神令尹幸醉三百

索痴兒犹恋一千緡如今索手方知錯自此甘心莫

怨貧不是恩波不旁冷五窮無奈苦隨人

刺腸植粟餒官牛、骨成塵粟未醉何事蓮參犹闕

筆反憐花縣若虛舟季公素重千金諾膠鬲當貽萬

世羞願勤相如还趙璧莫教顏色嘆床頭

送趙右秋二首

右秋妻人志不富當時公命珠無推數成就之

梅花飛雪滿霜洲、上行人去莫留蠟炬結花催管

鶯雁声喚客上蘭舟莫嫌冰炭情難入自是薰猶味

不伴批節從教少知過勿于世路學沉浮

閩藩齊指右參軍玉骨清無半點塵一味恤刑常召

禍十年游宦只憂貧圍陞月照金波夜寒谷花開玉

樹春客子与君雖素昧一詩聊記子張紳

牢城言怪

建人與子彭以詩見慰次韵

重城不隔世間塵
箇裡無花別有春
冤鬼夜隨風雨
泣病囚時作犬羊
呻雷霆不霹欺
君賊慧字偏凌為
國人欲問老天
已老料應无說
為敷陳

贈楞伽老瑛上人

楞伽瑛若以詩稱於諸卿向過之於西
關老瑛以詩來見因次其韻

無聊斷梗搭寒灰
門掩霜風客自推
急下火壚叉手
接便將布袋解
頭開拂床展卷呈
詩藁灸盞分茶當
酒盃別後逢人須
問訊楞伽曾倩寄
書來

謝仵判院惠米

仵之為米及昨往建安府屬向以事繫牢城
使被後遣任不相忘以米見惠以詩謝之

溝壑膏梁總自招
仲尼陳蔡亦囂囂
不逢魯爾千園
指空折潤明五斗
腰孤竹二飢知我
意蒼梧一飽為

君謠從今隻手摩
摩腹却向顏門問
一瓢

除夜大雪

丙寅除夜大雪瑞雪
春瑞雪人作時有襄淮之歎因記夜半入
蔡之事使人把酒不寐時在建三除夜矣

青帝明朝下玉京
先教滕六掩車塵
梅花笑我三年
臘樹葉爭地一夜
春鳥角觸簷鞭墮
玉馬蹄印路梳
拋銀何啻夜縛吳
元濟去作中興社
稷臣

呈毛南仲

南仲之居各曰沙坑在松溪浦城之間南仲賢者
好賓客有鄉里之譽因出江水過門南仲永見有
終夜之歎呼二子聽琴卒
日而別作詩南仲感謝

一瓢本平漢事
朱筆改翼

暮宿東溪一草堂
倦和衣履臥胡床
夢隨鷺去遼天
闊夜到雞鳴剗地
長早起不煩禽鳥
喚多憂誰為草
能忘清閑却愧毛
南仲醉卧窓一枕
涼

除夜

二首

丁卯歲夜生齋閣因思二年以來除夕皆坐不辜之獄
隱事君子道長即有收茅建茹之意

終辱東皇造化工便隨飛鵲報簾櫳人間豈行知無
所天上蓬萊還有宮酒色半澄春後綠蠟花全折夜
來紅從今奉道能連茹願駕蒼螭躍震風

吳鉤不是怒鯨鯢夜半劉琨屢舞雞十載一春游大
學二年一夜宿園陞楚盤未必資毛遂周粟如何飽

叔齊塵世功名儻未爾無言桃李自成蹊

呈富大卿

大卿名瑄鄭公六世孫詣獄
以詩示之卿為感嘆垂泪

司農未曉報龍樓昨夜中天貫索流石父不逢齊子
相馬遷空作漢家囚銅壺滴碎短長夢鈴索拽翻新

奮愁安得君王賜歸騎一屢投老大江頭

雪中呈劉子冲

子冲字為東山
之遊因朝之

朔風卷水入天渠剪作飛花散六虛竹本無声綠葉
密梅因有影怕花踈路從玉鑑上頭過家在冰壺裏
面居欲作一詩撩謝女不知為况近何如

雪中有戲

是歲有神馬坡樊城之役辱
桐栢柳元用賜書以寄之

一夜風神揭海神畫將純素掩丹青四圍白壁成千
嶂萬里紅塵沒一星搭岸柳條橫玉帶壓牆梅萼上
銀屏好將今日平淮策說与當年李愬聽

憂世寄清溪友人

丙寅冬任建
聞遠寄作

廟堂無計息干戈國上衙
竟未泪羅尺五指天均日
月八千里地舊山河人無
遠慮心徒切里有新喪巷
不歌况是十年芹洋客倚
闌尤竟泪滂沱

嘲曹掾友人

曹掾有友人者每對客云待次幾年所費錢千
萬亦思詩持此其韵以爲戲切之甚

世態年來日：新宦逢澆薄更驚人
闕期動徹連三政選調無疑費百緡
是吏有囊盛短卷非財無藥療
長貧參軍也勝陶彭澤且難官糧
醉幾巡
因中記貧翠微在西閔有客送僧字韵詩求
及世故渠有志公不是
閑和尚之語就廢其韵
即有陳子昭者語
英雄不過不憂貧
獄吏徒教喚不應
煮飯只燒沽酒

誰讀書叔借守囚
灯堪嗟世事危如卵
無怪人情冷似冰
勿謂功名成倖致
志公終不是閑僧

送倪尚書歸雲川

筆麟圖鳳久無声
何事叔輿復見今
魯祭不因夫子肉
齊卿難奪孟軻心
戎公去就何為重
吾道與亡所繫深
安得斯文天未喪
載歌狼跋繼遺音

五言律詩

宣城道中

次壁石湖宣界地名
間韵

躍馬上宣城
千山翠欲翠
蕈風輕卷舌
櫻而細沾唇
柳絮難驅臘
榆錢不買春
何如澆一斗
爛醉石湖濱

當塗道中

次馮子揚
新林韻

春晴不慷慨十日九清陰蝶宿花苗粉鶯眠柳借金
胡塵方障眼漢壁尚關心醒去愁無奈盃行滿一斟

壽昌道中

別劉仲方仲方以詩言別
次韻

山新疑無路林開竟有村飢牛恋茅壠吠犬護柴門
悶去詩千首怒來酒一尊明朝南去路怀抱與誰論

別王泰之

道中別王泰之
詩韻

風神恋行客吹柳纏簪纓傍水鳥多白近山蟬更清
別賜雲閣泪歸路月闌情告德無多日清鷓聊一傾

遊溪西寺

次府
陽文韻

寺覺重遊好僧期後會賒青虫彫病葉白鳥篆平沙
水瘦石生齒山寒梅未花功名今有待且謁惠公茶

登樓晚望

次宋
詩韻

疎雨洗空碧晚晴人倚樓稻花千頃浪楓葉一簾秋
遠岫明殘日孤村認小舟溪山如愛我相見亦回頭

安公呈李竹齋

次竹齋
韻

風雨思君子烟霞憶舊遊一區山水國萬里帝王州
臘甕香浮玉春旗雪滿甌安貧隨處樂此外復何求

拜茶

曹建者貢茶于京
城則率百官拜之

北苑春將半星槎欲奏功杵鳴千臼雪鎗卷一旗風
蓋錦鸚毛翠簽羅象眼紅封成拜玄雀飛上紫微宮

卽食青庖者

建安卽中爨者不善治食

陋卽已無味庖人更不材
盃炊全做粥燒菴半成灰
添醋酸綿齒研椒辣木腮
何時聳堂留香霧霽樽罍

秋意

次項子禮韵

木剪空山瘦西風掃落黃
荷殘簪失蓋菊老餅还香
詩盡尤濶愁多夜更長
悶懷無處着随雁落潇湘

書堂遇雨

翠微向有書堂遇雨押承字韵和者盈軸近承菊峯送至復有賡韵

風疊雲成片溝槎水作層
濕書移案避添硯就簷承
瓦擊声疑電照低暗欲灯
頭史西漏日晴意慢勝

翠微南征錄卷之八

野景何須買山花不待培幕天分古木祠地得蒼苔
酒上鶯調曲看空鵲墮梅一壺隨所適何處問蓬萊

題練省元壁次日出福建界

脚債嗟犹欠心朋喜偶逢溪声含客怒山色為誰濃
古樹晴搖蓋殘蟬晚帶鍾莫辭一樽酒明日是吳儂

南浦客邸遇雨半月

南浦半月雨溪流暗沒沙斷橋虹散綺拍岸雪花飛
孤館客無夢短蓬人未家何如擁紅日照我上筠車

借景樓

翠微居建新市萬花間之客至命酒
則四壁笙簫之聲聞於我坐馮著明
我曰借景言其皆非
我有也有詩次韵

朱箔鈎新月平闌架落霞百錢呼酒灸四壁聽笙笳

翠映誰家竹香飄何處花功名未歸我且此寄生涯

宿水陸寺送陳工部上建陽屆水陸寺

蕭寺廊廡闕無人自行吳儂非好僻楚客為誰清
花落憑風掃灯殘借月明江湖有烟浪且此寄餘生

呈魯伯瞻伯瞻有詩次其韵

信斷無青鳥盟寒有白鷗悶和詩作首愁聽
水滴蓮花曉山空桂子秋功名有期會教

浦城買舟諸友寄屆舟南下

微雨催行旆西風送客舟菊

浪激花翻雪山涵影浸秋前灘

歸興呈吳夢祥次吳夢祥送韻

魚雁音書少闕山夢寐遙對花思粉面遇
喜意鵲應報歸心馬更驕西風綽鞭鞭飛

秋晚即事次黃巨瞻韻

秋宇清如洗秋宵分外長寒雞鳴午夜征雁喚重陽
楓葉已全赤菊花纔半黃不知秋幾許試與問蘇郎

呈李景山次楊次杜韻

居靜心嘗樂愁多鬢不禁買舟和月載把酒對花斟
白水有深淺青山無古今從茲得真趣消盡利名心

小圃舍後又地闢作小圃

舍北有餘隙平禡作小園花存四五本竹種兩三根
風伯倩搖珮月娥煩佐尊誰知方丈裏別有一乾坤
村居次減仲武韻時在雙瑞

莫怪村居僻村居亦可嘉僕羸腰帶艾婢倩鬢簪花
歌罷蛙催樂酒闌蜂報衙門前少車馬慚愧五侯家

宣城道中次壁間韻

恰則杏花天轉頭過禁烟燕歸線數日蠶起不三眠
少智慚樗里多材憶孟堅功名且隨分無苦自咨煎

過新豐市懷古

新豐乃太白旧游
書堂今立道旁

路出橫江去，虛堂立道偏。
雨聲柳楊外，風色杏花前。
有泪沾詩宿，無歌述酒仙。
采江千古恨，號誌向誰傳。

買舟浦城 自浦城買舟入建得小艇

畏路逢危路，尋舟得小舟。
始云為得計，終乃復添憂。
險狹難伸足，蓬低怎奔頭。
十圍無處著，陶侃向中流。

懋妙因寺 次王有道先生韻

蕭寺寒山外，崎嶇一徑幽。
斷雲迎客入，曲水護堤流。
木石四時古，軒牕五月秋。
午煩聊小憩，拂石為支頭。

再繼前韻

俗塵方倥傯，得訪清幽。
烟練表欵抹，山屏翠欲流。

松筠掃日月，藤蔓懸春秋。
物外有餘樂，吾生空白頭。

七言絕句

讀漢史 閱紀信韓信傳

漢將假帝為真帝，齊乞真王作假王。
大抵紀韓皆是信，不知誰短又誰長。

寄王五四將仕

將仕乃清之弟，寓廣信，歲在戊辰，以其兄之事來告，徘徊

久之，臨別以二絕餞行。

季叔青天轟霹靂，屈原平地瀾波濤。
從教晉楚多成賊，二子何曾損一毫。

周田且謂曾占易，商野何嘗識楚書。
假使二君無感

召不成終老在樵漁

約叔叔真

二首叔真孤高山林自葛峯來見從游兩月務惶不忍去作詩送之

半間屋抵斗來大一箇身同山樣高側坐斜眠俱不得煩君除去一牛毛

兀坐有事留司馬凌閱無名向大宗我且盤桓君且去歸斯千載約芙蓉

題窓間夜起讀書有感

陽虎不名真盜玉子張何事便書紳聖賢立論有微旨精義當求妙入神

過西溪

道經西溪僕馬痛瘡解珮青帘一醉而去

路隨馬足誰知數山疊魚鱗不記名隔岸青帘人不渡一溪流水暮潮生

題蓮華壁間

次壁間李本之詩

風外落花千萬片水邊啼鳥兩三聲無情驚起陽臺夢獨倚閑牕看月明

贈呂元珉

居分水道旁

周末見人歌采芑楚先聞客賦騷胸中有氣不能吐空使虹蜺萬丈高

初抵富沙二首

芳草不隨春水綠連山猶帶夕陽明人生有酒且行

樂休白河梁尚子卿

鞭韉兩三千里路樓臺數十万人家長虹不吸秋江
水一葉扁舟懸雪花

呈周及之貢元

及之居三衢山中留宿

一頓却過六七嶺兩足幾乎百十斤恰喜故人能下

榻檠魁樽酒細論文

寧川冷渡

次壁間韻

峯回路轉六七里林靜鳥啼三四声游女不知行旅
恨一茶苗我話平生

宿灌頭

次壁間韻

淡魚俟煮鹹魚熟白酒新篘紅酒香莫訝盃盤成草
草一年忙處是蚕桑

南浦水閣

南浦橋之西有閣臨水同舍宴岳
有棟花臨水相朝不知行客南征之後乃
之意成二十八字

橋橫南浦虹千丈柳護西溪翠一行佳麗不知滋味
憑揀花臨水照紅粧

秋晚獨步次刘彦礼韵

十分秋色着岩桂幾陣晚涼催井相自恨異鄉知遇
少一樽相屬與誰同

後溪二首

蓬聽夜雨短長夢啼鳥喚人
新舊愁萬里論文一樽
酒醉和明月上扁舟
泉聲恰似世情惡山色不如歸
吳濃自恨十圓無處
著何如瘦作束腰蜂

楊花

一絲不染湖光白萬點能回山色青
三月金明池上水予予同是一浮萍

杜鵑

殘月照愁人病酒好風吹夢客思家
欲知亡國恨多少紅盡亂山無限花

悶迷二首

雁翎未忍剃丁謂虎口猶期脫蔡京
何事姦邪皆倖免洛陽年少却南征
有鼎不烹胡虜肉無刀可斷佞臣頭
男兒此等不平氣空使衝冠射斗牛

酒禁

次唐仲山韵嘲軍民不許交飲之禁

將軍凌士民心失太守憂民士氣衰
大抵軍民皆赤子如何從此便藩籬

贈美人別

次男氏蒙馬才韵

花臉送愁和露泣鶯聲傳恨向人嬌
別情遠去尤難

割相送不須離畫橋

寄宗上人

上人召宗正尚以能詩得度牒今在提子

我為扣關拘狴犴將吟筆換袈裟別來猶記松廳外一掬清泉自点茶

寄趙及父

久不得及父之消息有楚東使以詩寄之

欲邀詩社同蓮社為築將壇并杏壇圖得有材皆命世不隨風月報平安

有感

千因未必將軍喜五斗難消令尹愁君使淵明逢魯肅折腰應到脚跟頭

桃花

紅雨隨風散落霞行人幾誤武陵家收童若向青帘見應認枝頭作杏花

弦月

人間離別最堪憐天上嫦娥恐亦然昨夜廣寒分破鏡半區飛上九重天

翠微南征錄卷之九

翠微南征錄卷之十

七言絕句

白面渡

在池陽之西五十里村人皆不曉白面之義因詩其事


繫舡白面問溪翁
名不虛傳說未通
祇恐當年溪上女
浣沙時節懶勻紅

田家十絕

十幅生絹一墨池
畫收好景入屏幃
會須少緩丹青筆
更倩牧童橫笛歸

其二

農夫日炙面如煤
絲婦鏤成雪一堆
早安排了官



稅莫教耆長上門催

其三

老農鋤水子收禾老婦攀机女擲梭
苗絹已成空對喜納官還主外无多

其四

鷄唱三声天欲明安排飯碗与茶瓶
良人犹怒催耕早自扯蓬牕看曉星

其五

緋袴青衫紫繫腰攬衣随過水平橋
雖然不識風流事也向人前學逞嬌

其六

村葵奮迅出籬笆欲吠还休喚可拏
不是忘机太馴狎那回曾宿那人家

其七

画眉無墨把燈燒豈識宮粧与翠翹
堪笑東風也相謔暗牽裙帶纏去人腰

其八

鬻魚炊糝作荷包宿飯無湯煖酒澆
放梳出門行一匝小溪新漲已平橋

其九

麥飯瓜齏及早催田夫
雙眼望儂來油鹽不借傍人
帶日午痴兒犹未回

其十

拂曉呼兒去採樵
祝妻早办午炊燒
日斜枵腹歸家
看尚有生枝灸未焦

春夫

糝糠粒、裹真珠
玉杵春來白有餘
待向常姪借金
鼎等閑令汝作蟾蜍

新市雜詠十首

建安人物風流市井葉麗紅
紗翠蓋常无異于花朝灯夕
長篇短句形容一時之感翠微之前
未嘗見之惜善帖散落不多見耳

雲鬟烟鬢樓雙鴉
一搦宮腰柳帶花
試問行雲何處
覓画橋東畔是奴家

其二

翠翹佯醉倩人扶
約我文君賣酒垆
解珮向人陪笑
問一盃容妾佐樽無

其三

恰把青荷插髻鴉
嗔人偷眼過腮紗
一盤珠翠俱拋
擲却向枝頭摘杏花

其四

遲、蓮漏不相催
亭館無人午夜開
風欲捲簾花影

動夢魂疑是故人來

其五

小橋相見便相親，猶帶西湖陌上塵。
欲買一樽聊款曲，歸遲還怕小蠻嗔。

其六

不帶冠兒不挿花，過門佯把扇兒遮。
嗔人貪數天边雁，失託回頭喚喫茶。

其七

青衫搵淚向人啼，妾本秦樓浪子妻。
流落南州歸不得，青樓今在画橋西。

其八

一年不訪李紅娘，今日過門意已忘。
嘶入画橋東畔路，紫駟犹記舊重陽。

其九

花牋得、寄瀛洲，約我今宵特地留。
好笑蒼頭迷去路，綠楊無處認青樓。

其十

朱門粉壁謫仙家，柳外鞦韆觀落霞。
一澗碧雲流不去，木蘭舟繫木蘭花。

花村二首

寧川花村初謂紅紫之地，問
山翁云：村人花姓，因曰花村。

問宿花村喜有餘已拚花下倩人扶牧童不見枝頭
杏空向青帘問有無

夜宿花村不見花數間茅屋瞰溪沙山翁不是通名
姓幾誤河陽令尹家

過番陽湖翠微詩趙貢元于番陽湖之中方
及中流風濤大作篙師束手翠微

恬然戒一
絕而止

北風翻雪鼓雷霆舟子停蘭亦斷魂看我金鱗三十
六為君一躍上龍門

嘲熱門張季卿詩云甘傍青
學種瓜次其韵

赤帝乘龍駕火車晴空燒斷暮天霞流金燂石休相

酷少皞看、催戍瓜

三友亭平山常有六客從游東館之集乃半
不預其間非私故可議即矣涼世情

之論又殆不免異日盧子影作亭于松竹
江梅之間命曰三友因次其韵聊及前日
之意蓋子彭与李
伯雲皆平山客也

老松踈竹間梅英三友如何獨擅名應是枇杷并檜
柏當時無力預同盟

青樓贈別次甘州
老人韵

笛声吹徹玉樓寒金鴨香消更漏殘含淚欲揮羞不
敢倩他銀燭向人彈

枕上吟建即曉
風聞角

畫角梅花吸曉寒
數聲清徹碧雲端
誰知有客愁無寐
一掛鄉心不奈酸

午枕

醉中呼童索枕章書卷間

三盃未醒復三盃
醉眼朦朧劈不開
急辦藤床并竹枕
要隨蝴蝶到蓬萊

香篆

劉子源有香篆詩押仄字送至求和目次其韵

輕覆雕盤一擊開
星、微火自排徊
還同物理人間事
歷盡崎嶇心始灰

姚齋雜詠十首

其一 落花

東風吹恨上眉頭
兩岸桃花瞰碧流
一片紅雲飛不起
斷霞殘照落汀洲

其二 宿溪上

夢回斜月掛林端
酒力初消怯夜寒
何處客舟猶未泊
一聲柔櫓過前灘

其三 漁兒

無肉鷓鴣入水頻
雙童聯網立沙濱
問渠掃得魚多少
終可為羹了一人

其四 會王友

聯翩屐齒破苔痕
醉裏觥籌不計陳
來日不須關太

史五星今返聚甌閩

其五 宿茅亭

投宿茅亭得夜涼
鷓鴣班搖落奏篳篥
青簪擊破寒恣
紙漏得山花一線香

其六 江濤

曉鍾槌動巨鰲堂
張^音枕上春雷一夜轟
應是金鱗三十六
化龍頭角逞崢嶸

其七 月夜吟

一聲殘角送黃昏
獨倚闌干空斷魂
竹影掃階塵不動
自換明月闌柴門

其八 嘲涿鬚者

萬事關心兩鬢秋
柳反何用苦文羞
無情霜雪催年少
閑似青山猶白頭

其九 早春

梅梢弄粉做新晴
積雪殘雲沒一星
只把眼前春事卜
麥坡已作佛頭青

其十 憶西湖

十年南國嘆徘徊
一片鄉心撥不開
應是西湖花柳問
風流何事未歸家

其十一 問宿

紫騮回首客思歸萬里家山蝶夢迷
問宿莫山林下
卽夜深生怕杜鵑啼

其十二 曉望

長天萬里歸清秋宿霧朝雲十不留
向曉殘星猶未落一盤碁子倩誰收

其十三 患瘡

前日風疹遍身紅布褐因燒
靴火烘兩腿熱瘡今又發
休將紙被把頭蒙

其十四 水禽

一曲漁歌古渡頭幾多鷗鷺起汀洲
西風吹散瑤池

雪点破長天萬里秋

其十五 獨宿

朔風號木作嚴霜錦被重々凍
欲僵夜半脚跟疑已割
夢魂安得到高堂

其十六 幽居

獨自清閑獨自忙杳無人迹到蕭牆
眠時不用呼童僕自有清風為拂床

其十七 送行

秋波春水照殘霞恨雨愁雲
驂驛鷗飛上領襟隨得去
妾身安得似楊花

其十八春思

東風吹恨入青樓滿日春容總是愁楊柳織成絲萬
縷憑誰裁作翠茸裘

其十九小春

閩南十月已春回無限風光暗裡催
龍李海棠俱開
乾誰云梅是百花魁

其二十上巳

桃簇噴火柳拖烟如豆青梅已半酸
燕子怯春歸未
得一簾風雨杏花寒

嘲賀將仕二首

賀先燕尔翠微繫獄
不克詣賀以詩嘲之

花何太喜誰能賦葉是良媒解寄詩
但覓人間傳盛
事不知天上集佳期

其二

吾身西園拘猶少君腹東床坦已多
我欲屠牛劣達
節君從歡燕小登科

冬晴次孫子
卿韻

臘月南州不類冬梨花飄粉小桃紅
未曾飛動遙山
雪早有春三二月風

夢謫仙

夢駕白雲參謫仙謫仙由賦白雲篇
醉將隻手擎虹

筆便扯青霄作彩牋

懷九江友人

久不見榮仲樵似聞已罷釣線矣作詩許之

浪拍西風萬壑秋幾多香餌落金鉤無魚可釣渾閑事
留得絲綸在即休

翠微南征錄卷之十

翠微南征錄卷之十一

七言絕句

漁父

唐叔陽漁父詩押花字求何明父和明
不及見也它日明父闕軸云老秋
當退矣明父名于時社嘆服如此

江村水落富魚艚半屬橋邊賣酒家
莫訝鬢邊新有雪夜來沉醉宿蘆花

寄趙德夫

德夫雖入田畝亦不見南嶽歸舍後復有徘徊之意
作此詩見存因以一絕寄之指尾

男兒無路出邯鄲長鈇休從暗裏彈
是處有魚堪下釣扁舟何獨子陵灘

春閨雜詠十首 問庖媪



溪館供庖独有魚溪翁日扣吾廬兒童不問無錢
買便搜鈴兒喚小厨

其二 午枕

午簟風清帳自開日斜雙鼻尚鳴雷不知蝴蝶何方
去多少黃鸝喚不回

其三 落花

石痕新褪落溪毛應是春流昨夜潮紅雨入簾水不
濕玉人沾作鬢邊嬌

其四 卷簾

眉帶遙山淡拂秋幾多春恨瑣重樓真珠半卷嬌無

力須索偎人為上鉤

其五 酒醒

宿酒初醒午夢回不忺梳掠傍粧臺曲肱斜把香腮
托却訝荷花藕上開

其六 雪獅兒

勸罷浮酥酒一卮帶人相伴塑獅兒却將凍手和衣
拍笑我金鈴用橘皮

其七 醉歸

紅猊燒盡夜堂寒銀燭生花玉漏殘沉醉歸來渾不
記阿誰扶我上雕鞍

其八 賞盆池蓮

小翫裁成一把蓮，問渠邀價勒三千。五人不問成和否，移向西牕畫舫前。

其九 晚醉登樓

鳳簫吹斷古梁州，獨倚東風十二樓。醉把朱簾和露卷，恍疑新月是銀鈎。

其十 帶花

不整烏雲不画眉，天然標格自相宜。梅花羞對傍人插，背倚屏山捻一枝。

夜有所聞

建郡夜不安枕，隣壁復有激人之辭，思者書二十八字于牕以愧之。

好風吹月上回廊，花厭闌干子漏長。天籟不鳴天外竹，披衣潛起聽鴛鴦。

秋朝有感

翠微在建，屢淮荆諸淮司奏辟西府，初欲微登於沮于平原之令。

十年版築嘆勤渠，自笑青霄去路迂。昨夜高宗聞有夢，不知曾到傅岩無。

聞有薦翠微者成二絕

二表呂布謾豺狼，孟德仲謀那易量。願我未逢三顧主，空教徐庶下南陽。

韜鈴鼎鼐本同倫，後世人材自淺深。相國若能擒項籍，漢壇應不薦淮陰。

流螢二首

池亭夜坐有星字入燕巢之却見于水鑑
起占睡度潭低按堵久之乃知腐草之化

誰將殘火曳流螢月黑星昏分外明
老眼年來未困踈
度恍疑流螢入玉城

前年天狗落京西千里生靈血染衣
子夜不知螢電
過復憂天外一星飛

早春十絕

其一 訊貴公子

自嘆身如不繫舟幾年漂泊在南州
柳絲只解弄春色不把紫光絆客愁

其二 層樓

故山煙靄接層樓
上離人淚欲流
誰謂樓高添望眼
一層樓上一層愁

其三 麥坡二

雪滿遙山玉作堆
幾多花柳望春回
出門独有平坡麥
一派生青熨不開

其四 楮衾

夜來不敵楮衾多
全勝吳綾與越羅
好是玉人春睡起
白雲堆裏見姮娥

其五 酒家

青帘久不訪文姬
樽酒慙慙款翠微
沉醉不須籠畫

燭自挑明月送郎歸

其六 梅山

十年不謁五通仙自嘆何時接聖顏此去行祠應不
遠白雲深處是梅山

其七 水西

詩道風光在水西水西我意未為奇若教南北東溪
去更費詩人無限詩

其八 梅

尋春不過欲空歸竹外橫斜拾一枝且喜東君有消
息隔香應不怕疎籬

其九 寄書

一書欲寫寄雲鬟更把春衫裹素蠻欲識相思誰最
切泪痕今作鷓鴣班

其十 自述

蒼生千里望雲霓何事英雄去踏迷見說九重新有
夢濟川人在北岩西

寄仲判院八首

其一

閑亭無日不相隨稍不相隨恨別離况是一秋無信
息可無人寄問安詩

其二

自慚兒女態江湖鴻雁不來音
訊跡且喜北堂珠玉
眷團團環誦道家書

其三

春諭空洞之音許以五百卷
為期今已倍蓰何尚杳然

天音空洞豈虛傳許我琅函誦半千
何事加持功已
倍日邊消息尚茫然

其四

短牋封罷更重題生怕蒼頭去
踈迷說與不須多借
問葛廬祇在白雲西

其五

紅猊消盡水生花清夜過
玉漏賒環珮不知何處
去醉眠應是小卿家

其六

毫端風雨走蛟螭人物風流冠一時
要向行雲問蹤
跡青樓何處沒新詞

其七

比去于門咫尺間樽罍無計得躋攀
斷魂欲伴行雲
去犹恐歌喉誤小蠻

其八

錦賤牙軸白雲詞君外知音更有誰
一榻何時對風

兩与君聯臂相話思

得金正將書

徐三沈二海為盜配隸池州牢城復結連
欲盡棄市翠微止之改廩建安翠微有南
征之役金應募上邊作書薦之邊帥續因
公准立功見任定海正將暉識洋島善波
濤可充公

八行點墨笑金暉今亦提兵上海涯一介問安雖老
畧感恩猶勝李申之

莫出

翠微詩居建安郡太守以下皆迎合乎
韓平原因之固自舍人張公提獄閩
審時令自便丁卯邊帥屢辟入幕西府以
叔勢命不先至走有司尚有防閑之意

無事何須出短籬一闌風月足朱扉幾回跋起芒鞋

去帶得閑愁無限歸

自喻呈趙明夫

反舌禽之說
者過時則無聲

梁間燕子為喃、故下珠簾未放還料得無聲如反
舌不應苗落在人間

惜秋二首

予聞宋玉悲秋之來予獨惜
秋之去次李忠朝韵成惜秋

祝融墜火扇驕陽北陸迎寒釀雪霜安得金風專歲
令四時心地有清涼

詩到林頭落葉時眼前秋事已無幾何當領取秋容
去收拾詩囊帶得歸

上運管張平國

平國初任池
陽西樓酒官

妙年司釀水邊州
浪迹曾陪汗漫游
紅粉夜嫌銀燭短
醉和明月下西樓

其二 次任池陽
銅官宰

大江南畔五松西
潘岳風流楚有詩
歸路經從定首挽
莫教父老見旌旗

其三 九子芙蓉上下雪
潭皆池陽山水名

兩洗芙蓉沃眼青
雪潭澄月照人明
銅民指點向民說
未比當年令尹清

其四 程廷老乃平國姪
居九華雙峯其號

雙峯十月容輝家
廷老相期下九華
檢早不逢陶靖

節喚船同過鯉魚沙

其五

紫樞黃閣總青氈
西掖東華墨尚鮮
何事業
獨公蓮幕恁淹延

其六 平國尤善
筆法安國

閑將玉斧製羅紈
醉引龍蛇竟筆端
流落軸綠牕俱作
畫圖看

其七 野夫平國姪
安國子路漕管除龍舒
守明年

武城三載促公歸
自合班行列禁圍
計幕暫叅知
有在野夫曾此便橫飛

其八

朱顏綠鬢富春秋
家世才華三摠優
不用宦裘兼映雪
天然標格自風流

其九

雲衢從此喜通亨
鳳閣鸞臺信脚行
願把恩風散寰宇
盛栽桃李作門生

其十

英雄三載請東南
二月東風始放還
馬瘦尚嫌歸路窄
願求屋上一青山

再還建上舊居

翠微嘉定乙巳仲春被命東歸是秋復淮部符再還建上

門外梅花板渡栽
回時春去春回兒
童拍手應相笑
歸去賈生今又來

群鷗

一聲漁笛發中流
驚起平沙萬點鷗
去盡青天回欲集
梨花無數落汀洲

翠微南征錄卷之十一

宋史本傳

華岳字子西為武學生輕財好俠韓侂冑當國岳上書云：書奏侂冑大怒下大理貶建寧園土中郡守傳伯成憐之命獄卒使出入毋繫伯成去又遷守李大異復寘獄侂冑誅放還復入學登第為殿前司官屬鬱不得志謀去丞相史弥遠事竟下貶安獄二具坐錄大臣當死寧宗知岳名欲生之彌遠曰是欲殺臣者竟杖死東市